


VI





# IO. FERNELII

A M B I A N I

DE FEBRIVM  
CVRATIONE.

LIBER VNVS.

*Bibl. Jac. Soc. Coll. Rom.*



ROMÆ, Apud Hæredes Antonij Bladij  
Impressores Camerales. MDLXXIX.

---

Ex Auctoritate superiorum.

JOHN F. FARRINGTON


A. M. G. I. A. M. I.

D. F. B. B. I. A. M.

C. V. R. A. T. I. O. N.

L. I. B. R. A. R. Y.

NEW YORK



THE NEW YORK PUBLIC LIBRARY

ASTOR LENOX TILDEN FOUNDATION

1200 Broadway, New York, N. Y.

ILLVSTRISSIMO  
AC REVERENDISS. D.D.  
CAROLO ANGENOREO  
S. R. ECCL. CARDINALI  
à Rambollieto Nuncupato.

*Natalis Geherius Medicus S. P. D.*



MANÆ vitæ  
inconstans ac pa-  
rum stabilis con-  
ditio, Cardinalis  
amplis. summo-  
rum virorum co-  
natus nunc statim

in limine frangit omnino, nunc me-  
dia via intercipit, uixque eos un-  
quam ad propositum finem perueni-  
re finit. Quo fit ut opera nonnulla  
ad publicam utilitatem plurimū per-  
tinentia, ab his sæliciter incepta &  
in lucem aliqua ex parte edita, poste

ritati quasi stimulo sint, ut non quæ  
restant modo nondum satis eliminata,  
verumetiam quæ uix adumbrata sunt  
studiosè perscrutentur, atque ijs (qua  
potest fieri diligentia) extrema ma-  
nu adhibita, horum auctores è sepul-  
chro reuocare studiosi superstites,  
conentur: In quo & pios se ac gratos  
in memoria eruditorum hominum  
perpetuanda declarant: & postero-  
rum utilitati ac commodis seruiunt.  
Nullus (credo) arte medica uel leui-  
ter tinctus est, qui Io. Fernelij aut  
scripta quæ typis iam mandata sunt  
non legerit, aut de his quæ posthac  
excudenda, partim absoluta, partim  
ab auctore tantum delineata super-  
sunt non aliquid subolfecerit, aut  
saltem tanti viri nomen ac famam  
prædicari aliquando non audierit.  
Is antè paulò quàm animam age-  
re



ret, inter cetera, auunculo meo Gu-  
lielmo Plantio Cænomano medico  
doctissimo sui amantissimo & sibi  
affinitate coniuncto, scripta sua ut  
accuratius exigenter commisit.  
Cui morem gerere cupiens, his dili-  
genter examinandis plurimum insu-  
davit, ut uidere est ex editione ope-  
rum Fernelij Lutetiæ facta anno do-  
mini 1567. Sed inuisendis ægris  
iugiter occupatus, id quod sibi pro-  
posuerat, perficere nō potuit. Cum  
igitur moribundum se sentiret, mihi  
qui lecto adsidebam, quęcunque in  
epistola sua operibus Fernelij præpo-  
sita pollicetur, ut tempore & loco  
publicarentur mandauit. Itaque ope-  
repretium mihi uisum est hoc opus  
Fernelij de Febrium curatione, tum  
ad posteritatis vtilitatem, tum ad au-  
ctoris commendationem, tum ut ti-

bi, quem hoc velle cognoram, morē,  
vt debeo, gererem, publicare. Me  
quoque mouerunt atque incitarunt,  
& cohortationibus & precibus adhi-  
bitis, vt id facerem homines erudi-  
tissimi tibiue deditis. Aurelius Sta-  
gnus medicus in vrbe singularis. M.  
Antonius Muretus homo tui longe  
studiosissimus, Reginaldus Cāndela-  
rius summa obseruantia tibi in pēpe-  
tuum deuinctus, & alij quorum iudi-  
cium a te magni fieri scio. Cētera Fer-  
nelij quæ supersunt non tam citò in  
lucem prodibunt, eò quod in aduer-  
sariis adhuc iaceant, præter opus  
quod de morbi Gallici curatione in-  
scribitur: Illud enim, deo fauētē pau-  
lo post in lucē proferemus, si id quod  
nunc diuulgamus studiosis huius ar-  
tis gratum esse intelligemus. Vale.  
Roma 4. Cal. Maij. 1579.

10. FERNELII AM-  
*biani de Februm curatione*

LIBER VNVS.

P R A E F A T I O.



ANTA olim Empiricae  
sectae vis fuisse videtur &  
celebritas, vt apud eos qui  
sefe rationales profitetur,  
non parum etiamnum pri-  
stinae retineat auctoritatis.  
Perpauci enim morborum causas aut con-  
tinentes, aut antecedentes aut etiam con-  
comitantes accuratè satis scrutantur, sed  
morbi cuiusque audito nomine, seu quod  
febris continua tertianaue sit, seu pleuritis,  
seu nephritis, aut arthritidis, protinus ad pe-  
culiaries traditas sibi medendi preceptiones  
concurrunt, quas mirificè sed nullo aut  
certè minimo iudicio amplexantur & exco-  
lunt, vmbra potius & nomina quam mor-  
bos ipsos sequuti. Si qui fortè ex his con-  
tinentes, causas attingunt, antecedentes ta-  
men aut affidetes vniuersam dico corporis  
A 4 prin-

## DE FEBRIVM

principumque partium & humorum quæ in his peccant constitutionem prætermittunt. Generalem igitur medendi rationem ac methodum & summa remediorum quæ hæcenus protuli genera statuens ad singulorum deinceps morborum peculiarem curationem accommodare, insuper & propria cuiusque remedia producere, hoc quasi initio præceptiones tradam, quibus qui medicinam facturum est, curandi iudicium dirigat atque confirmet, tum ne quid inconsideratè gerat: tum etiam ne in singulorū tractatione brevitatis studiosi cogamur hæc subinde inculcare, quæ multorū sunt cōmunia.

*Antè morbi cuiusque curationem omnium tum humorum tum partium corporis vitia peruestiganda esse.*

### CAP. I.

**Q**UONIAM id iure primum videtur, ut ad ægrum veniens ex symptomatum quæ plurimum fatigant recensionem, & affectum primario sedem, & affectum qui in ea consistit, & eius continentem causam intelligas, ut quorum gratia maxime sis accersitus. Deinde verò reliqui

qui quoque corporis (vt secundo pathologia docui) constitutionem discas, sine qua nihil tutò aggredi possis. Inter sermones tacitè observes quo habitu, gracili an obeso, & quo ferè temperamento decumbens sit: Deinde scisciteris quæ viuendi consuetudo olim familiaris. Quæ antè morbum integra valetudine esset corporis constitutio, quis habitus mediocris an plethoricus qui non nisi purorum est & benè valentiū. Sin deterior corporis constitutio suspecta fuerit, quærendum quibus olim grauioribus morbis conflictatus sit, & perfectene sublatis sint, in hos enim facilis est relapsus. Ad hæc proprijs quoque notis de corpore sciendum, purumne id sit an impurum: si impurum quæ corporis regio obsideatur vitioso humore, primane an secunda an tertia. Is verò humor alteratus solumne sit, vt crudus aut leuiter corruptus, q̃ citra vacationem seu naturæ seu artis beneficio possit in pristinam bonitatem redire: an sic vitiatus ut naturæ limites prætergressus, & omnino præter naturam, prorsus extirpari vacuarique debeat. Tertio vagusne ac diffusus sit peccans humor: an contra venatum

rum aut viscerum aliarumue partium substantiæ impactus & adhærens: Ille enim breuiorem morbum facit, prompteq̃ue medicamento cedit: Hic verò difficilè & morbum peruiaciorem reddit. Si adhærens an cum obstructione simplici, an etiam cum tumore qui in aliquo viscere aut alia parte contactu mollis aut durus, renitens aut laxus percipitur. Tumor enim præsertim durus atque diuturnus, non nisi præparatione adhibita multo tēpore eximitur. Quarto, vitiosus sit humor, an corruptus: hic enim accelerandam curationem cautione maiore postulat, præsertim si febris adest. Et hæc corruptio atq; putredo, simplexne & solitaria sit, an præterea partis cui adhærescit substantia labefactata sit: Hæc rursum labes sitne ex diutina corrupti humoris contagione & adhæsu, an ab ipso ortu & à prima origine quasi hereditario iure contracta. Postremò leuifne ea sit ac recens, an consummata adeo ut non amplius in naturalem atque bonum statum pars reuocari possit. Grauißimum sanè vitium est labes aut corruptio substantiæ visceris, quod etiam si omnem noxium humorem expurgaueris, persistit



ſiſtit in viſcere, & vix aut nullo modo arte  
corrigi poteſt, præſertim ſi hereditarium  
eſt, vel graue atque conſummatum exiſtit.  
Hęc præcipua interiorum cauſarum eſt ob-  
ſeruatione tum ad prædicendum, tum ad cu-  
randum imprimis neceſſaria. Nam ſiue in-  
terior præter naturam cauſa morbum pro-  
tulit, eiſque coniuncta eſt atque continens,  
ſiue illi duntaxat aſſidet aut implicita eſt,  
propterea tamẽ quod vel eum ipſum fouet  
vel eius ſymptomata aſperiora reddit, præ-  
termitti non debet: nam ſine eius animad-  
uerſione neque prædictio neque curatio  
iniri rectè poteſt. Magni igitur intereſt  
morbus hoc an illo modo affectum corpus  
inuadat. Qui in purum & benè conſtitutum  
corpus incidit, certos atque legitimòs:  
qui in vitioſum atque impurum, diſtortòs  
& inopinatos progreſſus habebit. Si quem  
euchymo & puro corpore partibuſque prin-  
cipibus benè conſtitutis, euidentium cau-  
ſarum vi ex ſubita poſt exercitationem vali-  
dam refrigeratione pleuritis adoriatur, ea  
vtique pura & exquisita exiſtet, quam proli-  
nus ſecta vena quamplurimum leniet: alia-  
que adhibita remedia luculenter iuuabunt,  
huius

huius quoq; concoctio statis fiet periodis,  
nec alia quàm pleuritidis symptomata egrū  
affligent. Alium item benè constitutum plu-  
uioſo ſimulq̃ eſtuoſo cœlo iter facientē  
ſi conſtipata cute, obſideat continua febris  
eaq̃ concluda, ex putrefactis humoribus  
qui in maioribus ſunt vaſis: ea omnino ſim-  
plex cum ſit, proprijs dumtaxat ſtipabitur  
ſymptomatis, conſtantes nec perturbatos,  
ſed decretorijs diebus definitos motus ha-  
bebit, legitimaq̃ indicia. In hoc ſtatim ini-  
tio nulla purgatione præmiſſa, venę ſectio  
q̃ multitudinem concludēq̃ putredinis  
magnam portionem ſubtrahat, plurimum  
ad curationem conducet: deinde detergen-  
tia medicamenta & attenuantia q̃ corpus  
reliquamq̃ putredinem præparent, vt  
inſiti caloris beneficio cocta ſecretaq̃ tū  
arte tum impetu naturę deducantur in ſalu-  
tem. Ad eundem propè modum: peſtilens  
febris q̃ ex inquinati aëris contagione  
maligna, purum corpus inuaſerit, ſui dum-  
taxat generis ſymptomata promet: & anti-  
dotis maximè cardiacis, & ijs q̃ maligni-  
tatem frenant, abigetur nulla vacuationis  
neceſſitate. At ſi contra ſtatuamus iſdem  
ex cauſis



ex causis alios, quibus antè morbum vel impurum corpus esset, vel malè constituta viscera morbis similibus exerceri : horū neq; certa lex neq; certum fuerit iudicium, sed omnia perturbata, confusa & plerūq; inopinata ingruēt, vt subinde remedia mutanda atq; permiscēda sint. Pleuritis enim si obtigerit neque exquisita neque legitima existet, sed vel è destillatione frigida, vel è corporis frigido pituitosoque habitu crudior euadet concoctuque difficilior, è qua vix quicquam tussi educetur, neque hanc vena secta conspicuè minuet. Sed & extraordinaria symptomata, ut suffocationis metus prægressus, ordinem peruertent, præsertim si asthmatis opportunus fuit æger. Si verò cōtinua aut etiam pestilens febris idipsum occuparit, impuritatis symptomata vt cordis dolor, animi defectio, nausea frequens, vomitio, oppressio hisque similia, propriā febris conditionem mutabunt, ut eius incertum futurum sit iudicium. Eadem quoque impuritas viscera primasque venas inficiens obsistet ne statim initio propria febris remedia commodari possint. Ea enim antequam vena sectio adhibeatur expurgari postu-

si postulat non paruo temporis viriumque  
dispēdio. Febris etiam longior & tum iudi-  
catu tum curatu difficilior atque periculo-  
sior euadet: multo autem magis si quod vi-  
scus antè morbum malè affectum iam erat.  
Hec igitur sunt antè cuiusque morbi cura-  
tionem animaduersione digna, & quibus  
prætermiſſis nihil certò potest de morbi cu-  
iusque iudicio aut curatione statui.

*Quæ nam plethoræ quæ cacochymia præcipua sit se-  
des & quæ vtriusque sint causæ.*

### C A P. I I.



**P**LETHORA quæ probi ac utilis  
sanguinis seu succorum omnium  
æquabilis est redundantia, maxi-  
mè ac præcipuè in venis oritur maioribus  
è quibus anastomosi tenue nonnihil quæ-  
admodū è pleniore sinistro cordis sinu cras-  
siusculum aliquid vna cum vitali spiritu in  
maiores effunditur arterias: quæ non mi-  
nus quam venæ copia turgentes atque di-  
stentæ validum tum pulsum edunt, è maio-  
ribus tum venis tum arteriis copia turgen-  
tibus in minores, ex hisque in carnis molè  
habitum

habitumque corporis effusio fit atque plethora, summas corporis partes ac musculos implens & distendens addito rubore coloreque viuido. Porro autem in prima corporis regione quæ antè portas est iecoris, nulla propriè plethora succrescit, neque quum ventriculus & partes sub abdomine, cibi vel optimi copia quasi saginata distenduntur plethora est. Sed solum multitudo quæ in vasis maioribus & in habitu corporis sani ac benè cõstituti cumulat, ex opportunè dati cibi potusque vbertate & affluentia. Quæcunque alijs ex causis redundantia in vasis congeritur, multa potius est cacochymia. Omnis autem cacochymia & humorum impuritas aut ex vitiosa viscerum affectione, aut ex improba viuendi ratione, nõ alijs causis proficiscitur: Iecur, Lien, ventriculus assidentelque partes, seu intemperie, seu impuritate, seu substantiæ labe inquantur, humores succosque vel ex temperato & puro alimento proferent, sui similes & labefactatos. Intemperatus quoque cibus aut crassus, aut tenax, aut corruptus, nõ ex exquisitè poterit concoctione mutari, quin vel in sanguinem vel in alium humorem

rem facessens, pristinae conditionis & naturae non nihil redoleat, aut vitium aliud contrahat, si immodicus sit & a naturali calore minimè vincatur. Præcipua verò cacoehymiae sedes est prima corporis regio, ventriculo, liene, iecoris cauo circumpositisque partibus circumscripta. Hæc enim vt cibi promptuarium est, in quod omnia demittuntur, ita & corporis totius velut sentina quædam est, in quam illorum superuacua amandantur, siue sanum siue egrum corpus sit, siue purum siue impurum alimentum. Non solum enim cibi reliquie & fæces, verum etiam humores superacui è iecoris coctione & ex succis in venas delatis secreti illic subsistunt. In ventriculo & intestinis membranosis quidem ac frigidis cruda ac superuacanea pituita, quæ eorum proprium excrementum est: primum quidem aquea, deinde calore crassescens & mucosa euadens, ab hac vitrea, postremò gypsea omnium crassissima & intestinis tenacius adhærescens. In folliculo fellis & secundum iecoris caua flaua bilis abundat, quæ feruore in vitellinam, deinde in porraceam, in eruginosam, in ceruleam & in atram omnium

acerrimam atq; perniciosissimā facessit. In liene melancholicus atq; terrenus humor, colligitur, quivisione in atrā eā bilē, quē mīrior appellat, degenerat. Sic igitur in regione prima coërcētur humores superuacui, ijq; interdū cū putredine, interdū vsq; adeo exuperant, vt è proprijs conceptaculis in alienas sedes redundent, & præ copia irruāt in mesenterium, in pancreas & in intestina: in quibus etiam diuturnitate in præduros plerumque concrescunt tumores. Ab his interdum per iecur in secundam quoq; corporis regionem, quæ maiorum est venarum, hincq; tandē in corporis habitum incurrunt: vt in regio morbo, in arquato nigro, in leucophlegmatia. Interdū, at rarius, venarū succi corrumpuntur, labemq; contrahūt, etiā si nulla viscerum sit impuritas: nam æstu, exercitatione vel ira incalescunt, inspiratione graui & putrida corrūpuntur: pestilēte coelo labefactantur. Hinc autē magna curādi varietas, vt mox dicā, depromit. Hæc verò externarū causarū vis sine corporis præparatione leuis. Quocirca temerè ac fortuito omnia dirigit, qui neglecto viscerū statu, morbi cuiusque curationem suscipit.

*Summa ratio eximenda tum plethoræ tum cacochymia, quæ duæ communes sunt morborum causæ.*

## CAP. III.

**P**LETHORA quæ iam grauis citra morbi vllius metum esse coepit, tenui cibo potuque aut etiam inedia lentè, sensim ac tutò eximitur. Quæ verò instans morbi periculum minatur, repentè venæ sectione soluenda, vt periculo subtrahat, tutumque corpus reddat. Quæ iam morbum protulit, vt continuam febrem, interiorem phlegmonem, suffocationē, hæmorrhagian ex rupta, aperta vel exesa vena, protinus quoque sectione venæ minuēda, vt morbi cursum intercipiat, & quicquid eius factū iam est, breuius efficiat. Plethora quæ alieno morbo dumtaxat comes assistit, neque efficiens eius est causa, vt quæ febrē comitatur intermittentem, aperta etiam vena vtiliter eximitur. Tametsi enim propriam morbi causam non tollit, multa tamen eius symptomata lenit, & cetera deinceps remedia tutiora expeditioraque facit. Quocumque igitur morbo venæ multo feruidoque sanguine turgent, si modo carnosum



sum ac bene habitum corpus est, & uires, ut ferè fit, constant, quæ superat & copia sui grauis est materia, nullo incommodo detrahi potest, etiam si secta vena nihil ad primariam morbi curationem conferre videatur. ea tamen, si lentus morbus minimè urget, sub victu tenui spatio eximi tutò potest. Plethoram impuram quæ multa est cacochymia, iisdem casibus repentinis & simili rerum necessitate tutò venæ sectione subtrahes: præcordijs tamen, si huic initium dederint, prius expurgatis. Nam quauis materia turgescentes distentemque venæ repentinis casibus depleri tutò possunt, ut ea vacuatione leuetur æger, & multitudinis pericula declinet. Citra plethoram verò, etiam si non superet, sed vel integra vel deficiens sit venarum materia, interdum tamen reuulsione gratia emititur, ut, alio dato itinere, eoque contrario, eius cursus auertatur. Id autem commodissimum est quum sanguis præter naturam è venis prorumpens immodicè, è naribus, ex utero, hæmorrhoidibus, aut vomitione sreatuue profunditur: aut cum in partem quamuis irruens erisypelatis phlegmone sue collectionem minatur, siue id sponte exe-

sis aut apertis venis contingat, siue ex aliquo subito casu, vt labore, vociferatione, contusione, ictu disruptæ uenę sunt. Hęc igitur affectuum & vitiorũ genera sunt, quibus aut vtiliter aut necessariò secta vena succurritur.

*Summa ratio eximenda cacochymia.*

C A P I T U L U M.

**D**E cacochymia autem cui peculiaris est purgatio, ita statuendũ. In prima corporis regione, si recens adhuc est impuritas, nec morbũ ullũ progeniuit, quoniam ferè cruditatis soboles est, parciore victu aut inedia emendari potest. Vetustiorẽ quam nec victus tenuis ac siccans nec inedia sustulit, aut vomitione aut deiectione aut utraque subtrahes, vt quum in omnes primę regionis partes equabiliter effusa est. Tum enim aluus molli clystere primum ducenda. deinde si crassioris pituitæ atque glutinosę prouentus intestina, vt plerũque fit, inferciat, ea detergente clystere eluẽda, subinde repetito, dum ( si cetera sinunt ) nihil graue, tensum durumue reliquum sit in imo ventre, & viæ omnes in aluũ directę, liberæ sint & expeditæ. Expurgatis intestinis



stinis, si uentriculus impuritate grauaturs, ea-  
que vel cordis dolore, vel frequenti nausea  
sursum obrepere contendat, vomitione du-  
cenda leui primum, deinde, si opus sit vali-  
diore. Sin verò citra nauseam grauis est, &  
ventriculi distēctione, dolore, ructu, rugitu,  
cibi fastidio, aut oris amarore affligit, po-  
tione ex hīera detergēda deijciendaque est:  
idque sæpius ex interuallis dum quæ dixi  
mala aut omnia aut certè plurima desierint.  
In interuallis autem materia subsistens ap-  
paretur attenuante atque detergente apo-  
zemate, foris quoq; illitu, atque etiam, si rei  
grauitas exposcit, fomento, cui similis insit  
facultas. victus tenuis sit atq; boni succi, qui  
exigua materia vires aut pares aut paulo in-  
firmiores conseruet: vt natura coctione ci-  
bi minimū impedita, eos qui ledunt humo-  
res mitificet atque domet. Si victus pariter  
siccans sit & attenuans, medicamentorum  
vis maior existet, nulla aliena permistio-  
ne retusa. Expurgatus ventriculus pro-  
prijs demum corroborabitur subsidijs.  
Præcordia verò si tum etiamnū impura ma-  
neant, idque nullo tumore conspicuo, sed  
obstructione sola quam sitis vel oris ama-

ror indicet, vt in simplici dupliciue tertiana  
vel virium imbecillitas; vel foedus faciei  
color vt in ictero, vel mala corporis enutri-  
tio, vt in leucophlegmatia & atrophia: pur-  
ganda aliquanto validius erunt ac sæpius,  
sed nulla tamen scammonij, vel colocynthi  
dis, vel turpeti facultate, quod è distantiori  
bus ea sedibus tenues proliciant humores:  
ijs plerumque prætermisissis crassiusculis qui  
præcordiorum obstructions parere solent.  
At verò si quis in iecore, aut in liene, aut in  
pancrea, aut in alia quauis mesenterij sede,  
tumor obduruisse depræhēdetur, idque vel  
situ doloris, vel ingrauescente pondere, uel  
decubitu difficili, uel contractu atq; renixu:  
diutius continuandæ purgationes erunt,  
eæque blandæ ex senna, agarico atque in-  
terdum rheobarbaro, ita quidem detergen-  
tibus aperientibusque medicamentis dilutæ,  
vt crassum & tenacem humorem eumque  
in progressu syncerum detrahant. Atque si  
virium status patitur, subinde repetendæ  
erunt, dum pedetentim tumor omnis sub-  
latus appareat, laboransque nihil amplius  
de se queratur. Hæc medendi ratio citra  
virium offensionem inueterata & obdurata

vitia sensim demolitur, quæ vehementiora  
 pharmaca summa vi summaque viriū per-  
 turbatione non excutiant: & quæ antiqui  
 vt immedicabilia reliquerunt. His autem  
 purgationibus interferenda erunt quę con-  
 cretum humorem incidant ac detergant,  
 ut validiora apozemata, fofus molliens,  
 colliquans, & incidens, illitusque simi-  
 lis, cui inducetur lana succida, vel similis  
 facultatis emplastrum vt omnium ope hu-  
 mor fluxilior euadat & ad purgationem  
 fequatur.

Si pars quæ intumuerat, iam conuenien-  
 ter expurgata, proprię substantię labem cō-  
 traxisse tandem noſcatur, ijs notis quas in  
 pathologia recensui: aut si languidiores vi-  
 res curationis longitudine labascūt, & egrē  
 poſſint curationis longitudinem perferre,  
 licet medio etiam cursu subsistere, ne in vi-  
 tæ discrimen eum adducas cui maximē opī-  
 tulari consilium est.

Sedata enim medicamentorum pertur-  
 batione, quum corpus in tranquillum iam  
 se receperit, nō parua adhibitæ curationis  
 emolumenta commodaque percipiet. Si tū  
 non parum ipse sibi adiutus leuatusque vi-  
 deatur,

deatur, spes est reliquam posse curationem aliquando compleri. Sin verò eadem quæ antè symptomata aut non multo mitiora persistunt, non levis suspicio sit labefactatæ substantiæ partis, quæ vix vnquam pristina & integram constitutionem sit receptura. Tum blandiri, & quod mali reliquū est suaviter lenire satius est, quam ope irrita ægrū præcipitare. Hæc summa expurgandæ cacochymia ratio, exquisitè & ad vnguem si lentus nec admodū præceps est morbus, observari potest, siue cum diuturna febre, siue sine febre sit. At verò in acuto & præcipiti morbo, ut in continua febre aut pleuritide, cuius presertim ea impuritas causa nō fuerit, vix antè tota demi potest, quam breui acutus morbus finitus sit.

Nunc de cacochymia quæ in vasis & in habitu est corporis vacuanda, dicendum. Hanc vix tutò aggredi possis, antequam sit primæ regioni prospectum: quæ quasi sentina est & prima origo omnis impuritatis. Ea neglecta quisquis morbi ullius curationem suscipit, tanquam coecus omnia fortunæ temeritate dirigit. Vnde veteres mirari subit, qui hæc prætermissa de sola vaso-

rum

rum & habitus corporis impuritate verba fecerunt. Vasorum impuritas, si immodica fuerit, venasque distendat, venæ sectione tutò, ut dixi, minuitur. Quæ verò citra plenitudinem est, si ab euidentibus causis, quæ sanguinem succosque corrupèrint profecta est, tum venæ sectione tum purgatione peræque subtrahi potest. Corrupto enim sanguini detracto purior à sanis visceribus euchymisque cibis succedet. Sin verò primæ regionis impuritas aut mala viscerum affectio, ut ferè fit, huic initium dedit, nihil potest venæ sectio conferre: quod impuro sanguini mox impurior succedat, neque possit impuritatis eum fontem secta vena exhaurire. Purgatio sola eam eximet impuritatem, ut quæ primum regionem infimam, deinde maiores venas, postremo corporis habitum illuuiæ liberat: non semel quidem & uniuersè, sed pedetentim ac sensim, auētis ut antè dixi remedium viribus: idque dtim puriores vrinæ existant, & color corporis viuidior, ceteraque symptomata mitiora. Ad eos humores qui in vasis peccant, præparatio quoque necessaria validis apozematis, quæ vias

in al-

in aluum directas referent, viscera expedi-  
ant, humores crassos attenuent, lentosque  
detergant. Quorum omnium administra-  
tio non citra dierum in quibus maior est  
tranquillitas, & in quibus concoctionis no-  
te se produnt, observatione, tuto fieri potest.  
Humorum vitia quæ in habitum summaq;  
corporis è subiectis regionibus emerferunt,  
alia purgatio, alia venæ sectio vacuat. Phle-  
gmonas enim, carbunculos, furunculos, eri-  
sypelata, scabiem sordidam, tensiuam lassit-  
udinem, & alia quæcunque mala cum in-  
flammatione ingruunt, venæ sectio tollit,  
expurgatis tamen antè visceribus, primis-  
ue sedibus si sordide fuerint. Secta vena, im-  
puritatis reliquæ medicamento ducendæ,  
cuius vis non ad venas modò maiores, sed  
ad corporis quoque partes summas attin-  
gat. Si quid præterea in corporis summo  
reliquum subsistat, ijs dissipabitur quæ hali-  
tu digerunt sudoresue cient. Sin verò col-  
lectum in tumorem idipsum est, vt in phle-  
gmone, in carbunculo atque furunculo, pe-  
ciliariis remedijs curandum. At verò her-  
petes, impetigines, icterum, leucophleg-  
matian, cachexian eiusque generis affe-  
ctus



Etus, quos non inflammatio, sed una humo-  
ris vitiositas protulit, valida purgatio reuo-  
cat & exigit per aluum. expurgato corpore,  
sudores aut halitus quod reliquum est eripi-  
unt. Id autem si extremis partibus vt articu-  
lis, capiti, alis, inguinibus adheresceret, siue  
scirrhī siue oedematis, siue laxioris tumoris  
specie, non nisi topicis remedijs mollienti-  
bus, incidentibus, aperientibus, detergenti-  
busue tolli posset. Hæc in singulorum mor-  
borum qui vacuationem vllam exigunt cu-  
rationes præfari decuit.

Medendi præceptiones simplicium qui-  
dem morborum hæ sunt, quum solitarij nõ  
alijs implicantur affectibus, quando quidẽ  
non omnes implicatos persequi licet. Si  
quando tamen simplices illi uariè concur-  
rant, hac una præfatione sua cuique curatio  
poterit accommodari. In simplicibus eum  
quem in pathologia institui sequar ordinẽ:  
primumque febrium curationem tradam,  
deinde morborũ qui partes supra diaphra-  
gma obsident, tertio eorũ qui sub diaphra-  
gmate sunt, postremò externorum quos  
in chirurgian referunt. Neque, ut plerique  
omnes, in solam remediorum enumerationem

nem empiricorum more incumbam, sed qua etiam ratione, quo morbi tempore, quibus naturis ea conueniant, quamdiu singulis vtendum, & quando ad alia transeundum, indicabo: vt remediorum inuentioni methodus quoque & utendi ratio coniuncta sit, proprijs confirmata signis.

*Quæ ad methodicam febrium curationē obseruanda :*

C A P. V.



**Q**UAS olim febrium differentias atque causas tractaui, eas nunc ad medendi rationem accommodare præstat. Febres alię repenti hominem adoriuntur & inuadunt, certumque habent ortus sui initium: alię verò clam & sensim, quarum adeo obscura sunt initiavix, vt laboras febricitare se putet, nec nisi, quum vehementius increuerit, agnosci possint. Illarum rursus alię ab horrore aut rigore, alię sine his, aut à manifesto calore, aut capitis dolore, à siti ab alioue symptomate initium habent. earum etiam quæ sensim inuadunt, alię lentæ ac pigræ persistunt, alię paulopost incrementum sumunt, dum in summo sint vigore. Omnes autē eiusmodi  
disse.



**D**ifferentiæ nō in intermittentibus modo, verum & in continuis notantur. Nam sepe continuas videre licet biduum atque etiam triduiū quadam inæqualitate modo caloris, modo frigoris affligere. Quocirca ex inuadendi modo vix certò potest febris genus vllum dignosci. At nihilominus quū iā illa vel frigore vel calore vel symptomatis molesta esse cœperit, leuioribus quidem subsidijs quoad licet leniri debet: ac deinde deposito ac remisso primi impetus seruire, antequam propriam curationem aggrediare, febris species atque magnitudo explorāda. Rarò quidem contingit, vt citra vllam remissionē vel assiduò increseat, vel biduiū eadem magnitudine persistat: quod tamen si obtigerit, synochi quædam species putanda. Vbi igitur febris vel eodē vel postero die sese remisit, videndū qua id sit ratione factū. Si impetus, qui ab horrore aut rigore inuaserat, copioso vniuersoq; sudore sit remissus, eoq; deterso febris prorsum desinat, pura & simplex est intermittens: cuius speciē postero die cognosces. Sin verò febris à sudore perseverat, implexus est cōtinuæ & intermittētis, præsertim si hæc diu permaneat illius

conditio . fere tamen longiore progressu  
ea vel in simplicem intermittentem, vel in  
continuum degenerat. Ita quidem plerum-  
que febres per initia ambigunt & ancipitis  
naturæ quàm sint in alterutrum postea ge-  
nus diuertunt. Si sudor nullus emanauit ,  
simplex est continua, licet ab horrore quo-  
dam initium fecerit . Ea autem caususne sit  
an continua conclusa, ex impetus vehemē-  
tia atque etiam ex proprijs signis interno-  
scendum, an uerò continua tertiana, tertius  
id postea dies certò patefaciet. Si tum cœli  
status pestilens infestat, suspicio sit, ne cōti-  
nua hæc, vulgaris malignitatis sit particeps.  
Atque tum in propria illius signa sedulò in-  
tendendum , quod omnibus propè morbis  
illa insidietur. lenta porrò febris admodum  
obscura habet initia , nec nisi dierum pro-  
gressu nosci potest: ac tum laborans sibi vi-  
res imminui sine febre putat. De hac etiam  
obseruandum ex viscerum constitutione,  
nunquid tandem hecticæ quandam speciē  
minetur . Symptomata quoniam aliorū  
affectuum vt pleuritidis , peripneumonix,  
hepatitidis & similium comes est, ex eorū  
signis deprehenditur. Quamquam primarij  
illi

illi affectus, quemadmodum vomica pulmo-  
num & hepatitis, diu plerumque latent  
incomperti. Symptomaticæ febris prima-  
ria nonnunquam permiscetur quum ante  
partis affectum laborans febricitasse se sen-  
sit. ex his igitur atque ex proprijs cuiusque  
signis febris species die saltem secundo di-  
gnoscentia.

At tum quoque eius quacunque specie  
fuerit, magnitudo spectanda. Intelligitur  
autem febris magnitudo ex impetus vehe-  
mentia quemadmodum & mos eius ex ma-  
lignitate. Nam in vno quoque continuatū  
genere interdum mitis interdū vehemens  
febris existit. Causæ præterea eius magni-  
tudo ex ijs quæ antecesserunt inuestiganda.  
Si febris, nulla euidente causa, sed sponte  
præhendit, & antequam hominem adori-  
retur, corporis grauitas, lassitudo, vigilia,  
inappetentia, nausea afflixit: Si improbam  
& impuram viuendi rationem diu laborans  
exercuit: Si consueta quædam & utilis eua-  
cuatio iamdiu suppressa est, interior ea hu-  
moris causa quæ febrem fouet, multa  
copiosaque est: contra verò, si contraria  
præcesserint.

Quisnam

Quisnam autem is humor sit, simplexne an mistus, ex ijs quæ de vnius cuiusque humoris dominio olim prodita sunt, percipi debet. In quam autem maximè corporis partem humor febris causa (is verò ferè in maioribus venis coërcetur) incumbat & impetum faciat, symptomatū species ostēdit. Quum enim aut nausea aut vomitio, aut ventriculi atque præcordiorum dolor, aut tensio atque grauitas aut inappetentia, aut oris amaror uehementer laborantem fatigat, morbus præcipuè in iecur atque præcordia impetum facit. Quum lumborum grauitas aut renum dolor vel ardor, in venam & arteriam maiorem quæ lumbis incumbit. Quum vehemens cordis æstus, & spirandi difficultas cum pectoris laterumue grauitate, in cor & in venam cauam quæ illi assistit. Quum vehemens capitis dolor, aut temporum pulsatio, aut vigiliæ aut grauitas, aut cataphora, in caput & cerebrum. Quum denique artuum grauitas aut lassitudo aut summarum & externarum partium dolor, in corporis ambitum. Hæc verò nō initio solum, sed & toto morbi decursu accuratius obseruanda. Tertiò autem quum  
iam

iam febris species atque magnitudo innotuerit, laborantis constitutio exquisitè tenenda: & quibus is præcipue morbis olim fuerit opportunus, nunquid vitium aut in iecore, aut in liene, aut in ventriculo contactu alijsue signis percipiatur. Numne mala quædam affectio aut renes, aut pulmones, aut caput obsideat. Actum quoque de ijs quæ dixi symptomatis perpendendum, an ex propria febris & causæ eius essentia, an ex veteri quadam vitiosa constitutione procedant. His quippe neglectis, curatio nulla rectè instituitur. Iam verò his ad vnguem exploratis curatio quædam ineunda. Si parum vehemens acutaue febris coniicitur, dies secundus non sine vacuatione prætereat. Sæpe enim ab exordijs leuioribus incrementa magna morbi capeflunt. Non solùm igitur in valde acutis morbis, quorum materia turget, Hippocratis more, cui vehemētiora duntaxat medicamenta innotuerant, verum etiam in quouis modo acutis vtiliter statim initio vacuandum. Secundus dies quod ferè tranquillior sit, vacuationi accommodandus, cui tamen præparatio sub primi finem syrupis aut clystere sit præmissa. In morbis

C

autem

autem lentis ac leuibus non æque festinanda vacuatio, sed cunctari ac supersedere licet, dum certius constet de morbi genere, præsertim si uel ægroti conditio vel ætas, vel cœli constitutio non facile vacuationi consentit Si primis diebus, quauis occasione prætermissa sit euacuatio, quoquo primum tempore fueris accersitus, quasi incipienti morbo remedia decernes: omnibus quidem exploratis quæ initio inuestiganda dixi. Hęc igitur in uniuersum de quauis incipiente febre præfari visum est. Nunc autem quod vacuationis genus, quæ medica menta, quæ denique curatio atque uiuendi ratio unicuique tum incipienti tum procedenti morbo aptius conueniat, particulatim tradendum.

*De febribus ephemeris.*

C A P. VI.



**F**EBRIS quæ euentium causarū vi derepentē purum beneque habitum corpus etiam ab horrore inuasit, ephemera putetur. Non enim euidentes illę & prægressę causę putridam repentē ingenerant, nisi quum vitiosa subest corpo

ris



ris præparatio. Licet autē per ephemeram spiritus soli incendantur, humoresque puri ac boni dumtaxat incalescant, agitati tamē, horrores acrimonia sua sæpe excitant, febremque sudores solvunt. Itaque si calor halituosus & citra acrimoniam vehemētius increvit, corporisque exolutio quædam existit, pulsus celerior, frequentior ac vehementior citra inæqualitatem (quæ putredinis index esse solet) si vrina nec colore, nec substantia, nec contentis à naturali distat: & evidentium causarum insueta vis præcessit, nec antè vlla erat functionum querimonia, quæ ita repentē orta febris fuerit, ephēmera coniicienda est, ea autem cognitu difficilis, sed curatu perfacilis, ac nisi in pestilentium fit numero, toto genere salutaris est; ac ferè solet die naturali finire, sensimque mitescētē calore decedere, interdum manifesto sudore, interdum perspiratione sola: quamquam dum vehementior fuit occasio, in secundum tertiumue diem nonnunquam exporrigitur. Vna quidem omnis curandę ephemerę communis est ratio, quies atq; simplex refrigeratio. Etenim spiritus & humores perciti atq; concitati, tum

animi tranquillitate tum quiete corporis atque somno compescendi sunt, in idque tumultus omnis & motus, nimiusque luminis splendor arcendus est: ac nisi necessitas ( ut quum ab inedia aut inanitione fit ) postulet, sine cibo continendus æger est, dum sese calor remittat.

Cibus autem tum conueniens erit hordei cremor, aut iusculum è gallinaceis, aut ex vitulina hœdinaue carne, in quo lactuca, oxalis, portulaca & buglosum incoxerint. Panis quoque ex iusculo coctus & ipsarum carniū nonnihil oxalidis vel citrij mali succo, vel omphacio intinctum: oua insuper sorbilia, eorumque præsertim vitelli, fructus etiam passim aut dulces aut aciduli. Potus verò vel aqua simplex, eaque frigida, si nulla suspecta est viscerum imbecillitas: aut certè iam prius feruefacta, vel ea in qua hordeum incoxerit, uel glycyrrhiza macerata aut solutum saccharum sit, vel vinum album tenue & oligophorum, aqua multa dilutum. Situs verò quæ per febris æstus vehementius excruciat, lenienda est syrupo violato, aut iuiubino,

aut



aut adiathino, aut iulepo rosato, aut, si, quia dulces, molesti sunt, succus limonum aut punicorum malorum his affundetur: propinabunturque ex aquæ quadruplo aut sextuplo. Inclinate iam ea, dulcis aquæ balneum confert, nisi aut putredinis aut destillationis fluxionisque suspicio sit. Quin etiam si compactior alius negotium facessit, hanc opportune molli clystere ducere nihil noceat. Plenior autem vacuatio rarò arte tentanda est, quod integra sponte sanatio succedat. hæc igitur habenda est omnium ephemerarum communis curatio. Ceterum ut earum variæ ex euentium causarum numero statuuntur species, quæ & diuersa symptomata proferunt, ita & his leniendis peculiaria quædam aptantur remedia. Ephemera quæ ab æstuoso aëre aut à solis ardore, aut à balneis, aut ab estuarijs inducta sit, raro sine capitis est dolore. Hunc verò lenire oportet oxyrhodino simplici, vel eo cui olei nymphææ vel papaueris, vel vnguenti populei quiddam sit admistum, aut etiã oxycrato simplici, vel eo quod ex aquis stillatitijs rosarum, plantaginis, solani atque

betonica, & aceti sextante comparatum sit. his non modo frontem & tempora, sed & sinciput quoque irrigare liceat modo tepidis modo frigidis. Contrarijs ex causis ephemera quoque interdum succenditur, ut quum estuans concalfactumque corpus de repente in frigidiorē aërem se confert, qui cutim denset atque constipet, nec concalfactos humores expirare sinat: aut quum in balneum frigidum aut aluminosum descendit: quod minimè contingeret, si pariter interiora ut per brumam iter facientibus, frigerent. Per hanc igitur, frictione molli, vñctione laxanda cutis est, vel sudoris promotione, vel balneo calido: quod si horror in balneo percipiatur, confestim egrediendum, conceptam enim iam esse putredinē testatur: alioqui si diutius cutis constipetur, metuenda putrida fuerit. Ephemera ex motu, ex peregrinatione aut labore immodico genita, lassitudinem artuum musculorumque dolores exhibet, quos vel leni ac molli frictione, vel vñctione ex oleo dulci ac tenui, ut violato, aut chamæmelino, aut liliaceo demulcere iuvat. Quumque febris iam inclinare cœperit, sudor somentis blandè pro-

prouocetur, aut etiam dulci balneo, cui peculiare idac proprium est, eiusmodi lassitudinis dolores finire. Eadem serè sit ratio si ephemeram vehemens dentium cruciatus, aut colicus nephriticusue dolor excitabit. neque admodum dissimilis est ratio, si eam vehementiores animi perturbationes, ut ira & excandescencia, protulerunt: summa quippe animi tranquillitas & hilaritas imperanda, bilisque feruor frenandus est victu potuque refrigerante & vini abstinencia. Quæ ex vigilijs, ex literarum studio, ex multa meditatione, ex curis, ex mærore, aut ex tristitia processerit, ignauior quidem existit ac minus feruida pulsuque languidior & contractiore. Atque ut ex his causis rarior est ephemera, ita quæ fortasse incidit proprios serè limites excedit, & causis perseverantibus in diuturnam lentam plerumque abit, quæ marcorem accersit. Per hanc omni studio exhilarandus est animus, spiritus excitandi, cardiacis cor fouendum atque muniendum epithemate odorato, somno sarcendus est spiritus dissipatus: & cibi bonitate, odorato tenuique vino moderato reparandus humor benignus, qui exhau-

stus fuerat, & corpus balneo sine sudore humectandū. Simili propè ratione curari ea postulat quā fortè exinanitio immoderata induxit, siue ex inedia aut siti intolerabili, siue ex uacuatione spontanea, aut medicamenti vi facta. Rarò tamen aut exinanitio aut inedia febrem infert, hæc enim præcipuè humores spiritusque compescit, non autem excitat aut impellit corpusque sæpius refrigerat. Sin bitem ab hac incendi contingat, putrida quàm ephamera potius metuenda: quæ ne succedat, refrigerans humectansque cibus etiam inuadente ea, multoque magis inclinante conceditur. At uerò repletio immodica tum quæ ex cohibitis naturæ excrementis, tum quæ ex plenioris aut calidioris alimento proficiscitur, frequens est febris gignendæ causa: principio quidem ephemeræ deinde etiam putridæ, siquidem inualescat aut diutius ea persistat. Primum enim suppressorum excrementorum vapore spiritus humoresque inquinantur & incalescunt, caput dolore tentatur, & eorum mole oppressum corpus ingrauescit, quæ peculiaria huic febri symptomata sunt. Præter cetera igitur

tur confestim naturalis consuetaque omnis uacuatio molienda est, astrictior aluus clystere sollicitanda, vrina parcior diureticis mouenda, sudores præter naturam cohiberi, ciendi sunt diaphoreticis, hæmorrhoides aut menses qui præter consuetudinem subsistunt, proritandi quoque sunt: quemadmodum & uetus fistulosumque vlcus, è quo consueta sanies iam diu non emanauerit. Huius quidem ephemeræ facilis est in putridam transitus. Itaque si causis perseuerantibus ea longius excurrat, & ex impuritate impendeat suspectaue sit putredo, purgatione quidem aut accommodata venę sectione arceri poterit, si plethora iam grauis euaserit. Ita enim ephemera quæ ex subita frigidiusculi humoris fluxione in inguina aut in alas, aut in aliam corporis sedem obtigerit, purgationem postulat: quemadmodum & uenę sectionem, quæ ex tenuis feruidique sanguinis irruptione in crura, in aliasue sedes erisypelatis specie cum horrore inuaserit: & quæ pruritu, & scabie, ex furunculis aut ex abscessu externo. Nam interior

omnis;

omnis putridam parit. Iam verò immodica  
alimenti cuiusque optimi repletio, quod e-  
grè dometur atque coquatur cruditatemque  
pariat, diarię plerumque fit occasio; multo  
autem magis si ex acriori calidiorisque ali-  
mento fuerit, vt ex immodico generosi vi-  
ni potu, ex si napis, nasturtij, cæparum, al-  
liorum & aromatum esu. Sub hac ventricu-  
lus distenditur ac plerumque dolet, caput  
vapore impletur conficiturque dolore,  
tempora pulsant, corpus ignauum, graue &  
inquietum existit. Quocirca præter quie-  
tem & refrigerationem, quæ omnium com-  
munis est, inedia atque cibi parcitas appri-  
mè est utilis: potus tamen, si implacabilis est  
sitis, permittendus. Vomitus aut etiam alui  
subductio cōmoda, si malum crudelius in-  
creuit. Imo etiam si cruditas nondum eui-  
cta calore, putredinis nidorem quendam  
induxisse videatur, purgatio accedat, ex pul-  
uere hierę aut ex rheobarbaro, aut ex senna  
aut ex catholico, eaque sic aptè comparata  
vt ventriculum primasque sedes exquisitè  
purget. Multo autem magis necessaria hæc  
fuerit, si ex immodico & intempestiuo su-  
gacium fructuum vt persicorum, malorum  
chry-



chrysomelorum, fragorum, mororum, peporum, melonum, cucumerum, vuarum, lactis & omniū quæ promptè corrumpuntur esu, oborta sit. Etenim corruptio si diutius in ventriculo primisue sedibus resedit, aut si hinc in iecur venasque maiores penetret, cum spiritu humores sanguinemque contaminans, putridam febrem accendet. Quocirca expurganda est protinus, etiā si portio eius vomitione aut alui defectione spontè proruperit: quandoquidē solus corruptionis nidor derelictus putridæ febris initium plerumque fuit. Ab his deinde coctio iuuanda electario diarrhodō, vel aromatico rosato, uel cortice citri condito vel mytobalano, vel nuce moscata condita, uel cōdito his cōcinnato. firmandus quoq; ventriculus oleo masticino, nardino, mentę vel absinthij, idq; dū coctionis bonitas existat. Posteriora hæc ephemerę genera si uel causarum magnitudine inualescant, vel negligentius curentur, quòd aliqua intus materia foueantur, in putridarum species desciscūt, Id autem certò & circumspicius ex inclinatione præuidendum. Si longa atque difficilis est diariæ inclinatio, quam



quem neque sudor neque mador excipiat: aut si à sudore, frequens adhuc pulsus inæqualitatem nanciscitur, aut capitis dolor aut sitis, aut inappetentia, aut aliud symptoma persistit, neque biduo triduoque pura sequitur integritas, metuenda certè in putridam permutatio. Hoc tandem loco minime prætereundum duxi, febres quasdam tum assiduas tum intermittentes, artis vsu notari quodammodo ancipites, & quas neque in ephemeris, neque in vllum putridarum genus certò referre possis. Quædam enim vltra diem tertium excurrunt, ac eodem interdum die sæpius exasperantur, idque aut dum cibus conficitur, aut sub vesperam, nullam intermissionem puram sortitæ, blandæ quidem & quibus laborans vix se teneri putat: pulsus tamen celeritate ac frequentia, lassitudine, corporis grauitate, aut exolutione, interdum etiam grauioribus symptomatis conspicuæ. Quædam verò ad puram intermissionem deductæ, sine horroris sensu leuiter vt dixi, aut dum concoctio fit, aut sub vesperam, aut quauis occasione recrudescent. eius generis nonnullæ à vehementiore pruritu

pruritu, à scabie, à furunculis, ab externis abscessibus & ab acri destillatione fiunt.

Nonnullæ etiam à cruditate indomita, vel à bile citra putredinem efferuescente, vel à semimala humorum qualitate, quæ aut primam aut alias corporis regiones obsideat. Hæc enim vitiosa illorum qualitas media quædam via est ad putredinem, in qua plerumque affectio subsistit. Quocirca eius generis febres omnes tenui refrigeranteque victu sustuli, sub quo natura qualitatis vitium sola emendaret: si victus parum profuit, huic insuper aut venæ sectionem, aut purgationem accommodavi: quibus brevis est solutio sequuta.

*De febrium putridarum curatione.*

C A P. V I I.

**P**UTRIDARVM febrium curationē non apud veterēs modo, sed & apud iuniores plerosque ancipitem parumque tutam effecit causarum affectarumq; partiū ignoratio. Neq; enim humorū qui peccant recta est habita internotio, neque

neque locorū in quibus illi computrescūt  
etenim bilem, verbi gratia, vnam eandem-  
que malè statuunt tertianæ intermittētis  
& continuæ atque etiā causi materiam,  
illiq; sedē perperam designant. Quocirca  
posthabitis eorum sententijs, traditas olim  
per demonstrationē hac de re hypothesēs  
sequeuti, earum curationem trademus, non  
contemplatione solum, verum etiā vsu lō-  
go & obseruatione comprobata, idque  
veritate magis, quam aliorum testimonio  
& auctoritate ducti.

Si quem horror aut rigor adoritur, qui  
ab extremarum partium refrigeratione sen-  
sim auctus, corpus vehementer concutiat:  
hunc deinde calor acer atque siccus cū pul-  
su celeri, crebro & inæquali excipiat: qui  
summo accessionis vigore in sitim inex-  
haustam, capitisque dolorem pungentem  
& æstuantem cordis dolorem, atque irre-  
quietam corporis totius iactationem dedu-  
cat: nec supra horas duodecim productus,  
copioso eoque calido & acri sudore inte-  
grè soluatur ac desinat, vt in intermissione  
nihil quicquam symptomatum supersit,  
exquisita tertiana expectari potest: si præser-  
tim

tim laborantis natura & ætas, anni tempus  
coelique status in id conspiret. Hanc verò  
primus circuitus siue status sit, siue antici-  
pet, siue cunctetur, confirmabit. Proxima  
cōtinensq; eius causa, bilis est superuacua,  
citrina quidē aut etiam prassina, eaque syn-  
cerior nec frigido humore permista, non  
exuperans modo vel nimium exæstuans,  
verumetiam, putrescens: idque aut in pro-  
pria cysti, aut circū caua iecoris, aut in pan-  
crea, aut in vicinis sedibus: in ijs quidem ea  
neque concreuit neq; obduruit, neque im-  
pacta ulli parti tenacius adherescit, vt tumo-  
rem vllum pariat in visceribus, sed tenuis  
liberè diffluit. Quot circa nisi obstructione  
coërcita fuerit, accessionis impetu excuti  
solet, aut prorumpere vomitione, deiectione,  
mictione & sudore: hinc tertiana exqui-  
sita brevis existit, nec vltra circuitum septi-  
mum producit. Tanto autem breuior est  
quo aut parciore materia subest, aut expedi-  
tior eius eruptio: quibus verò non ita sen-  
sim per circuitus ea prorumpit, plenior sub  
finem & in ipsa declinatione quasi decreto-  
ria vacuatio expectanda est, quæ omnino  
tutam illius solutionem faciat. Accessio-  
nes

Accessiones ab ortu inualescunt ad quartā, quæ tum longitudinē tum magnitudine & acrimonia omnium esse solet vehementissima: quæ deinceps sunt, inclinant ad septimam. Si qua citius mitescit, antè septimam soluitur: si tardius longius excurrit. Itaque accessione quarta status est, & summus morbi vigor: reliquo deinceps tempore declinatio. Hæc rarò repentina crisi vt continua, sepius lentè soluitur. Vrina interdum toto progressu pura & cum sedimento deprehēditur, quum scilicet bilis non admodū profilit in venas. Quum autem eo fertur, summè turbida est accessione quarta, exinde verò inclarescit, sedimentumque deponit, tū enim minus bile perfunditur, minusq; impeditæ functiones sunt natiui caloris. Itaq; concoctionis indicia non in incremento aut in statu intermittentium febrium quemadmodum cōtinuarum, sed ferè in declinatione visuntur, cum peccantis materiæ pars magna iam est exhausta. Neque tum ea noxiæ materiæ, sed cibi cocti indicia sunt: neque præterea bilis superuacua quæ putrescens, intermittentium est materia, concoctionem similiter admittit atque putredo  
quæ

quæ in maioribus conclusa venis continuam febrem profert .

*Continuarum febrium iudicia.*

C A P. V I I I.



CONTINUAM febrem secundam, aut, quod tardissimum est, tertiam hebdomada decretorie soluit. Siue enim synochus ea sit, siue causus, siue continua conclusa, si primaria est, putredinis materiam habet in venis coercitam maioribus, quæ inter alas & inguina excurrunt. Quumque nulli visceri, nulli parti affixa ea sit, sed in venarum capacitate cum sanguine eiusque sero fluctuet, satis hoc temporis curriculo solet à natura domari atque concoqui, & nusquam hærens excludi forasque depelli: id autem decretoria illius est solutio. Quæ etiam febris commutatione soluitur, quoniam hæc imperfecta quædam crisis est, qua non omnino natura potest materiam excludere, sed subsistit ea aut in aliquo viscere, aut in adenibus, aut in alia parte corporis, in qua morbum novum

D pro-



progignit, ea inquam commutatio quia  
crisis quædam est, tertia saltem hebdomada  
fit. Quæ verò non repentè crisi, nec excre-  
tione, nec commutatione, velut abscessu,  
soluitur, ea tamen vel decimoquarto vel  
vigesimo die summū feruorem summamq;  
symptomatum læuitiam deponit, idque vel  
nulla vel imperfecta excretionē, ac deinde  
quasi speciem genusque mutet, lento pro-  
gressu & dierum numero sensim paulatim-  
que desinit. Longa huius est inclinatio, di-  
citurque coctione paulatim solui. Etenim  
vitiosus humor, qui sanguini permiscetur,  
in uenis, ac etiam sanguis totus venarum si  
vitiosus fuerit, diebus viginti aut triginta  
totus absorberi solet ac fere totus renouari, si  
modo purius suppeditatur alimentū, nec ie-  
coris viscerumq; impuritas aut uitiosa quæ-  
dam constitutio obsistit. Si quam igitur fe-  
brem contingat supra diem vigesimum pa-  
ri aut etiam maiore acrimonia & inquietu-  
dine exporrigi, hanc tu symptomaticam  
censeto: atq; eā vel ex interiore phlegmo-  
ne & abscessu, vel ex putredine visceri ali-  
cui impacta profectā. Solutio autē quæ per-  
fecta fit crisi imprimis optanda, ut quæ om-  
ni de-



ni depulsa morbi materia, nihilq; reliquū  
faciens, summam quietem & integram vale  
tudinem restituit. Quæ verò sensim ac pau  
latim fit, vt maximè fastidiosa est prolixita  
te, ita & minimè tuta & sæpe cū metu quo  
dam recidiuē, atq; si quidem in ipsa declina  
tione, quòd adhuc impurum est corpus, æ  
ger quicquam committit, facilè relabitur.  
Putridæ porrò febris continuæ crisis nulla  
fit perfecta sudore: quamquam enim sudor  
decretorio die ex Hippocratis sententia cō  
fert, atque dissipata tenui quadam humo  
ris portione, febris feruorem lenit & impe  
tum sedat, non tamen potest crassiorē eā  
putrescentem materiam educere, quæ fe  
bris est fomes. Sanguis quoque seu ex na  
ribus seu ex hæmorrhoidibus seu ex vtero,  
critico die profluens, licet synochum solu  
uat, neque tamen causum neque continu  
am terminare potest: neque harum perfe  
ctā ac tutam crisin fecisse deprehenditur:  
quod exiguam dumtaxat impuritatis por  
tionem cum maiore portione vtilioris san  
guinis, magna virium iactura educat. Ab  
scessus vnus, vt parotis, aut bubo, nequit  
vniuersam febrem excutere: at si vel plures

sparsim erumpant, vel undique humores in articulos artusue confluentes, tumores excitent, febrem quidem soluere possunt; at certe difficultate non modica, quod exorti dolores non parum excrucient, eosque fere lenta quædam febris comitatur. Ac tū febris nō critice nec solutione, sed commutatione potius terminatur. Vna igitur alui spontanea solutio atque perturbatio, continuam febrem tutò ac perfectè iudicat. ea quippe sola potest putridam febris materiam, perfectà iam concoctione apparatus prorsus excludere, atq; viscera & maiores venas sordida illuue obsessas, citra virium & naturę iacturā & offensionem expedire. Vomitus intermittentes febres plerumque iudicat, continuas verò nō item. licet enim ventriculus & circumposita viscera vomitione sese facile exonerent, maiores tamen venę deiectione potius per eas venas quæ è iecore in intestina contendunt.

Perspecta igitur febris specie, cognitum hinc esse potest, qua ratione ea si salutaris sit, secundū naturā facile, vtiliter, perfectè ac tutò iudicari & decretorie solui debet. Nunc autem exponendum quo pacto ea

toto

toto morbi progressu debeat à natura dirigi, ut ad hanc conuenientem & perfectam crìsim perueniat. primum autè in exquisitis typis exerceri unumquemque uelim. Continua febris quæ ex sua magnitudine ex impetu & more, primis diebus cognoscetur, iudicanda quartadecima die, si exquisitam motus & progressionis formam seruat, primum quidem repente inuadit, & certam atque manifestam habet inuasionis horam. Quæ enim repente inuaserit, repente quoque (nisi aliunde quippiam obftet) soluetur: quæ uero clam, obscure, & longa quadam præcedente lassitudine uel inæqualitate, inuadens nullum manifestum ortus sui initium habuerit, nec repente nec crisi ulla solui potest. par enim exitus atque ortus est ratio. Rursum quæ nullius euidentis causæ ui, sed in corporis animique quiete summa, ut sub noctis & somni finem suscitatur, grauior ac multo periculosior est, quàm quæ prægressæ causæ impulsu, & post diei æstum atque laborem contigerit. Omnem enim ortus sui causam intus habet in corpore.

Febris igitur, cuius formam & progressum explico, siue ab aliqua, siue à nulla euidente causa processit, repentèprehendit, certumque habet ortus sui initium. Hocq; modo blandum est ac mite, modo acre ac uehemens. Sensim hæc increfcit ad diem septimum, licet non pari semper impetula-  
borantem exerceat. Vrinæ exhibet interdū biduo (cum nondū putredo inualuit) sanis non admodū dissimiles, sed quæ postea augescēte putredinē crescunt, rubent atque confusæ sunt. Interdum etiam statim initio, crassæ, rubicundæ & confusæ mox deinde obscure coctæ existunt, talesque fere in diem septimum permanent. Septimo die grauior quædam fit morbi perturbatio, quam uel sudor uel spontanea alui biliosa deiectione excipit: quæ admodum salutaris est & pollicetur perfectam crisin posthac futuram. Sedata diei septimi perturbatione, urinae manifestam concoctionem exhibent: estque tum uere morbi incrementū, licet ab ea perturbatione, sæpe tanquam ex imperfecta crisi symptomata mitescant. æger enim plurimum leuatur, atque interdum sine febre existit. At ijs quæ non ex  
ratione

ratione leuant confidendum nō est, inquit Hippo. vrinarum concoctio nonnunquam persistit, nonnunquam interpellatur, ac de inde redit atque relucet: vndecimo autem die febris aut redit aut inualefcit, isq; summus est morbi vigor, qui ferè permanet in diem quartumdecimum. Hoc die atque interdum decimotertio febris uehementius excandescit, cum signis perfectæ concoctionis, nempe cum hypostasi alba leui & æquali, quumque ea excandescencia & exacerbatio inclinat, febris repentè soluitur ac desinit, idq; suborta deiectione biliosa, & copiosa, quæ in diem unum aut etiam in alterum perseuerat. Ab hac igitur perturbatione & copiosa alui deiectione, æger necessariò imbecillior euadit: at nihilominus, si perfecta crisis ea fuit, febris nulla prorsus manet, nullus capitis dolor, nullū denique propriū febris symptoma, sed summa inest corporis tranquillitas: plerisque tamē sudor, præsertim dormientibus emanat, quæ omnium est euacuationum postrema. Hæc quidem perfecta est & repentina morbi sanatio: cuius brevis admodum est **declinatio**, tum solum durans, quum alius

soluitor noxiam materiam excludit. Si nō  
omnino perfecta crisis fuit, cohibita aut  
subsistente alui deiectione, febris etiam nū  
aliquanta manet, quam & symptomata le-  
uia comitantur, sed non multo post om-  
nia desinunt: actum morbi inclinatio pro-  
lixior est atque manifestior, in qua & plu-  
res sudores erumpunt. Si (quod rarius est)  
acutior febris septimo die soluenda est de-  
cretorie, ea primo statim die hominem ue-  
hementius adurit, vrinasque rubras, cras-  
sas atque confusas promit, quarto verò die  
coctionem quandā sed quinto manifestio-  
rem exhibet, nullaque aut certe minima  
remissione in diem septimum perseverans,  
tum magna admodum perturbatione con-  
cutiens, repentina quoq; alui deiectione  
crisim habet, eamque modo perfectam mo-  
do imperfectam. Quæ vndecimo die solui-  
tur, omnia quadam mediocritate habet: &  
rarior est ea solutio. Quæ uerò die vige-  
simo aut vigesimo primo crisim est acce-  
ptura, fere initio languidior existit, die se-  
ptimo summam cruditatem habet, quæ in  
vndecimum ac sepe in decimum quartum  
perseuerat: ac tum fere primum apparente  
con-




concoctione mitescit, idque interdū vacuatione quadam imperfecta, interdum etiam nulla: rarò enim fit vt in diem vigesimum summa illius sæuitia perduret: quumq; sese illa ante remiserit, vigesimo tamē appetente excandescit & perturbatione suborta, alui tandē eruptione biliosa soluitur, quæ in plures sæpe dies manet. Hic autem obiter animaduertendū febris atque symptomatū sæuitiam, quum primum signa concoctionis apparent, sæpius mitescere, neque vsu obseruauimus in ipso statu cōcoctionis, omnia esse grauissima, neq; (quod dixit Hippo.) omnia cū incipiunt & finiunt leuiora esse, cum consistunt grauiora. Raro enim fit vt tempora concoctionis prorsus respōdeant & consentiant symptomatum temporibus. Id autem idcirco contingit quod non parū materię morbi vacuatione subtrahimus ante concoctionē, qua subtracta tum febris tū symptomata eius mitescunt. fortasse autē Hippo. omnia censuit in statu fieri grauissima, quū curatio tota naturę committatur, vniuersaq; morbi materia cōseruetur in extremā crisim. Tū quippe ratione optima & crisim ipsa vehemēti perturbatione fit, & sta



tus quoq; crīsim præcedens vehemens existit. Quoniā autem vehementi huic perturbationi & crisi periculū nō deest. præstat certe multo ante tempore nonnihil materiæ morbi demere, ut omnia deinceps tranquilliora & tutiora succedant. atq; licet & venesectione & medicamentis purgantibus, multum sit illius materiæ ante iudicationem detractum, natura nihilominus conatus suos statis temporibus observans, concoctionem ac tandem decretorio die crīsim molitur ac perficit, sed tamen perturbatione atq; vacuatione minore. Id igitur in morbis salutaribus efficit artis curatio, vt & breviores illi euadant, & securiore tranquillitate solvantur. nonnquam etiam leuiter exitiales, salutare reddit. Hæ formulæ sunt continuarū febrium, quæ perfecta crisi terminantur ad salutem.

*De continuis febribus quæ crisi non terminantur*

C A P. I X.

NTINVA verò febris quæ crīsim habitura non est, vix initio potest internosci: at in progressu præsertim quum iam concoctionis signa apparebunt,

bunt, hinc dignoscitur, quod neque vomitio, neque alui deiection biliosa vlla sponte fit, nec facile sudore corpus diffluit, nec facilis est aut libera satis medicamentorū purgatio: sed quasi preclusis omnibus vacuandi vijs, aut humore contumaciore existente, nullam natura vacationē sponte molitur. raro quippe perfectam crīsim natura efficit, quam non ante spontanea quādam vacatione premonstrauerit. contra quum vijs omnibus expeditis ac liberis, humores purganti medicamento facile obtemperant, & nonnumquam presertim diebus indicibus aut decretorijs aut uomitiones aut deiectiones biliosę sponte prodeunt, facili laborantis tolerantia, futura crīsis sperari potest. Continua igitur febris quę iam apparente concoctione, salutaris speratur, si nulla vacatione spontanea impetū fecerit, sensim atque paulatim concoctione atque digestionē soluetur. Licet autē nullas sponte vacationes exhibeat, singulis tamen criticis diebus exacerbationū impetus habet, quibus victricis naturę motionem ostendit. Quumque vel septimo vel quartodecimo vel vigesimo die, perfe-

ctæ concoctionis signis apparentibus, summum vigoris impetum fecerit, reliquo deinceps tempore sese remittit, ac perseverante concoctione sensim minuitur, dum prorsus desinat nulla vacuatione suborta. Hoc autem tempus totius est morbi declinatio, quæ longa plane ac interdum toto morbo diuturnior obtingit. Quæ nulla vacuatione sed sensim concoctione soluitur, facile minimoque errore redit. Ab hac enim corpus non æque purum atque à perfecta crisi manet: quumq; pristinae qualitatis non nihil etiam retineat, si quid vel alimentorū copia & qualitate, uel labore, uel vigilijs peccatur, ex veteri sermēto noua putredo excitatur, facilisque est in pristinum morbum relapsus. Corpore verò per crisin exquisitè purgato, nihil officere potest externarum euentuumque causarum iniuria. Est porrò tertia febrium solutio quæ commutatione fit: nonnumquam enim continua in tertianam, nonnumquam (idque sæpius autumnus) in quartanam desinit atque degenerat. Id autem accidit quum crassior est venarum materia quàm ut in alium prorsus exturbari possit, aut quum magna viscerum

**c**erū obstructio ac densitas obstitit, ne mor-  
**b**i materia deuoluatur in aluum. Ab ijs  
quippe causis peccans febris materia vin-  
centis naturæ robore à venis excussa nec  
excidere potens in aluum, hæret ac subsi-  
stit in medijs visceribus: illicque fixa, eis  
adherens, seruansque putredinem, ex loci,  
id est præcordiorum, natura atque condi-  
tione, intermittente facit: quæ præsertim  
materiæ situ à continua differt. Sic pro-  
pemodum nonnumquam natura materi-  
am noxiam è venis in summum corpus  
expellens, dolores articulares infert pro  
solutione quam crisi tentat & molitur, nec  
tamen perficere potest. Sic & abscessus  
& bubonas interdum sub febris finem e-  
rumpere videmus.

De ijs porrò febribus quarum materia  
turgere dicitur quos impetus faciant, æ-  
stimandum, vt intelligatur quem finem  
sint habituræ. Causa quæ hunc illarum im-  
petum facit, non simplex est putredo, sed  
peculiaris quædam humoris malignitas,  
aut ex acrimonia vehementiore, aut ex ve-  
nenata qualitate profecta, ob quam ita im-  
pulsus humor nullo potest loco subsistere,

sed in uenis maioribus licet conclusus, huc  
tamen illucque quasi estuans ut mare iacta-  
tur, ac plerumq; è uenis in nobilem aliquā  
partem irrupit. Per has igitur febres li-  
cet nec dolor ullus, nec calor atrocius vr-  
geat, magna tamē percipitur corporis per-  
turbatio, magnaue inquietudo atque ia-  
ctatio. Dolores quibusdam modo in hanc  
modo in illam partem insiliunt: quumq;  
materia sese aliquo inflixit, sæuiores sym-  
ptomata emergunt. Itaque aliàs summa spi-  
randi difficultas obsessis pulmonibus pre-  
mit cum suffocandi periculo: aliàs synco-  
pe repentina, aut periculosa animi defe-  
ctio, quam interdum vidi supra horas 24.  
sine ullo pulsu perseverare citra exitium:  
alias cruenta expuitio apertis magna vi pul-  
monum uenis: aliàs delirium quum cere-  
bri arcem humor inuasit, ac deinde eius  
impetu & ardore sedato cataphora. Non-  
nunquam in externas quoque partes pro-  
silit summo dolore tanquam sit abscessus  
erupturus: modo in alas & inguina, mo-  
do in latus idque cum tussi, cum spiritu  
difficili & cum expuitione cruenta, quasi  
vera pleuritis esset. Hinc igitur fit ut acu-

eorum morborum quorum præsertim materia turget prorsus ( vt inquit Hippo. ) incerta sit prædictio. Ancipites enim ij ferè sunt & inopinata quoque sunt eorum symptomata, idque ob turgentis materiæ impetum neque si iam concoctio appareat certa salus esse debet.

Quæ per has febres ex humoris impetu emergunt vt laterum dolores, sanguinis vomitiones & expuitiones, exanthemata purpurea, bubones, parotides, animi defectiones aut syncopæ pro crisi perfecta censeriminimè debent, licet enim ipsum humoris furorem atque malignitatem interdum finiant, reliquam tamen putredinem, quæ præcipua est febris causa, non eximunt, sed huic necessaria est alia maior eaque vniuersalis vacuatio, quæ totius febris iudicatio sit. Parotis igitur vel delirium vel cataphoram, at non ipsam febrem vniuersam soluit.

Haftenus omnem rationem atq; formã expressi, qua continuè febres salutares progrediuntur, & qua etiam aut repente crisi aut sensim concoctione soluantur, siue earum materia turgeat siue non turgeat.

Nunc



Nunc de exitialibus dicendum: quis earum progressus, & quis exitus sit, idem quoque de pestilentibus.

*De febribus exitialibus & pestilentibus.*

C A P. X.



**E**XITIALIS eadem plerumque ac salutaris febris exordia atque initia sunt, nec sæuitiæ eius nec symptomatum vis aut ratio diuersa: at progressu vniuscuiusque genus dignoscitur. Alias enim statim ea, dum incipit, vehementer conturbat, talisque persistit, alias a lenioribus orta initijs sensim inualescit, dum summam vehementiam aut malignitatem nacta prorsus, iugulet. Atqui alterutrum etiam incipiente salutari febre depræhenditur: raroque primis diebus exitialia existunt signa. Quocirca initio nihil de morbi exitu certo pronuntiandum, sed omnia adhuc in ancipiti versari. Atque licet nonnulla symptomata mitescant, ut hinc melius iam aliquid sperari possit, quamdiu tamen confusæ aut crudæ apparent urinæ, spes semper dubia est & incerta, atque inter spem metumque

que versatur æger, præsertim si acuta febris & anceps est : nonnunquam enim in leuioribus cum cruditate (quemadmodum in quibusdam tertianis) certa est salus. Si deinde quarto, septimo, aliove decretorio die, aut circiter, manifesta elucet cōcoctio, spes quoque elucet, si modo ea permaneat. Interrupta autē concoctio infida est. Perseuerans vero atq; in dies melior succedēs concoctio, certæ salutis est nuntia : modo nec pestilens febris sit nec malignitatis occultæ particeps. In pestilente simplici vrina nonnunquā toto decursu concocta existit. In pestilente quæ est coniuncta putridæ, licet quæ confusa & cruda fuerat vrina, superata deinde putredine concoctionis notas exhibeat, permanens tamen cæca eius malignitas plerumque hominem de medio tollit. Nonnunquam etiam (licet admodū raro) in putrida simplici, quæ nullius erat malignitatis pestilentis particeps, notauī post vrinas diu concoctas, interitum nullo errore consequi. Vrinis igitur non semper fidendum, nisi & vndiq; meliora signa compareant, præsertim ex pulsu & virium robore. In acuta febre putrida, cui nulla mali-

gnitas comes sit, si natura nullam, procedēte morbo, vtilem, vacuationē per os, aluū aut sudores molitur, qua levare æger videatur, tota morbi materia intus ad undecimū vel decimum quartum diem, aut si vehemētiore febris est, ad septimum subsistente, tū quidē anceps adhuc est morbus: ac tum siue symptomata ingrauescant, siue mitescant, si concoctionis indicia apparebūt, status quidem sperari potest non crisi, sed lenta paulatinaq; concoctione, cui sane diuturnitas comes est. Sin vero, omni suppressa vacuatione naturali, cruditas aut etiam obscura concoctio diutius perseveret in vrinis, nec manifesta concoctio in valde acuto septimo die, nec in mitiore decimoquarto appareat, formidabilis est exitus. Ac dein, siue symptomata ingrauescant, siue mitescant, si perseverante cruditate, pulsus languidior, vox exilior, respiratio difficilior euadit, & laboranti robur viresque concidunt, res ad exitium vergit. natura quippe morbi magnitudini succumbit. Quanto postea deteriora hæc omnia fient, tanto propinquior exitus erit. Ad hæc attentus, si diligenter æstimes, quantum vires declinent, aut quan-

quantum sustinere morbum queant, æstimare quoque possis, quando moriturus sit æger. Exitialis morbus interdum ipso statim initio dignosci potest, quum summo quodam furore incipiens, vel corrupti humoris copia vel malignitate vires natiuūq; calorem premit ac fere obruit, spiritu difficili, cum vomitione vel nausea, cum pulsu paruo ac celeri, cum magna corporis dissolutione, & cum vrinis confusis. Qui ita statim dum incipit tam sæua & tam exitialia signa exhibet, vix arte potest euinci. Licet enim vacuationes idoneæ tempestiue discernantur, aut etiam sponte contingāt utiles, quibus noxij humoris portio quædam detrahatur, omnia tamen quæ dixi exitialia signa permanent, aut etiam deteriora fiunt, aut noua emergunt. Quum igitur procedente morbo sic omnia progredi videbuntur, deplorata sit omnino salus. Exitialis alius est mitior, qui lentius inuadit atque progreditur, nec multū distat ab eo qui simpliciter crudus est. Atque is sane anceps est: quia licet quædam præ se ferat letalia signa, ea tamen emendari possunt: & qui sic leuiter exitialis est, arte potest salutaris reddi.

Crudus morbus vrinās habet, quales fere exitialis. at letalia signa non adsunt: hicq; quamdiu crudus est, facile potest vel errore vel negligētia in exitialem transire. Quorsum autē procedente morbo fiat mutatio, ex his quæ nunc dixi deprehendi potest. Salutaris simpliciter morbus nec magnę cruditatis nec mortis notas habet, atque licet nulla artis subsidia optitulentur, aut levis quidem viuendi aut medendi error committatur, sponte tamen sua soluitur ad salutem.

*Curatio.*

## C A P. X I.



VvM per accessiones, multæ bilis spontanea vacuatio cōtingit, febris sine medicamento integre solui potest. At quum aut nulla aut parciore existit, medicatio adhibēda, ne neglecta febris speciem mutet, & deterior vel prolixior euadat. Itaque statim die secunda, cum iam accessione soluta, deterfoque sudore, laborans cibum sumpsit, & horæ circiter octo quietis interuenerint, medicamentum propinare

pinare licet. Interdum etiam aliquando seri-  
us, si longa speratur intermissio futura, in  
qua ante proximam inuasionē totus com-  
pleri possit purgationis effectus. Quis enim  
præcipue impura sit prima corporis regio,  
in qua & humor noxius fluctuat, neque, ut  
dixi, coarctatus is sit, statim initio eius non-  
nihil tempestiue expurgandum est, præser-  
tim si uel oris amaror, uel cordis dolor, vel  
nausea, vel inappetentia, vel stomachi præ-  
cordiorumque dolor, vel suffocatio acrius  
urget. At si hæc defint, nihilque sollicitet,  
post circuitum secundum differri medica-  
mentum potest. Interim tamen præparatio  
quædam adhibenda in intermissione, cly-  
stere molliente atq; detergente, & apoze-  
mate, quod leuiter obstructions expediat,  
è radicibus cichorij, oxalidis, graminis,  
ex endiuia, eupatorio & adiantho: aut ex  
syrupo adianthino vel è cichorio simplici.  
In accessionibus quoque syrupo aceto-  
so, vel è limonibus, vel oxysaccharo. Si  
tempestiue purgandi occasio quauis ex cau-  
sa initio perijt, primo quoque tempore ac-  
cersitus, hanc decernito. Conueniens  
autem ea fuerit ex manna, ex medulla



cassia, ex leniente electario, ex catholico:  
aut si quæ dixi ventriculi tedia deterfione  
maiores postulant, ex diluto rheibarbari,  
vel ex sennæ decocto iure, uel ex his apte  
permistis, ac tum laborantis naturæ & æta-  
ti, tū regioni & cœli conditioni ea arte quā  
alio loco tradidi accommodatis. Hieram  
quidē etiam simplicem quod humores ma-  
ximeque bilem acius incendat, febremq;  
biliosis non elota aloë suscitet, non admise-  
rim: nec myrobalanos, quod tandem ad-  
strictione humores viasque coarctent: qua  
ex causa rheumbarbarum sine aperientibus  
& lenientibus plerisque incommodū: nec  
præterea acriorum medicamentorum quæ  
vel scammonio vel turpetho cōstant, leui-  
bus istis quicquam permistū, nisi forte ro-  
bustis qui ægre purgantur, aut hieme rigi-  
dioreque cœlo. Ad hanc quidem purgatio-  
nem licet præparatio quædam ut dixi con-  
ducat, minime tamen est necessaria: ut ne-  
que concoctio ex urinis, quod ē primis his  
sedibus humor aut sponte prorumpat, aut  
facile trahatur. Venæ sectio exquisitæ ter-  
tianæ est incommoda, ut quæ utilem ac ne-  
cessarium humorem detrahit, relicto impu-

ro ac noxio . Sub hac enim febre attenuatum corpus esse solet paucique sanguinis: bilis vero acrior, ipsa febris materia, sub cauo iecoris exuperare & æstuarè deprehenditur , quam venæ sectio minime eximit, nec proinde morbi substantiam minuit . Immo si uel sponte vel arte nimiū profusus sit sanguis , plerumque deprehendes acrius bilem ferocire febremque inualescere . Peccant igitur qui ex vrina crassa atq; citrina statim mittendum sanguinem esse pronuntiant. Ea enim non sanguinis exuperantiam, non eius incendium, quemadmodum quæ ardens est, flammea ac vere rubra, sed bilis ex iecore effusionem portendit , quæ in tertiana perinde ac in iëtero , & in hydrope, non substantiæ sanguinis, sed uni fero permiscetur, præsertim accessionis uigore. Ita enim secta fortasletū vena videas eā sanguini minime permisceri , nec cū sanguine concreescere , neque sanguinem sed serū ipsum bile inquinari, quod postea in intermissione emictū purius appareat. At nihilominus si quando febris ea in corpus inciderit bene carnosum, bonique habitus , cui ample venæ copia distentæ sint

& plethoræ speciem exhibeant, ob quam febris symptomata grauiora existant, vt capitis dolor, temporum pulsatio, spiritus difficilis, corporis grauitas, phlegmonosa lassitudo, summaque iactatio, sanguis vtique ob plethoram venæ sectione minuendus est, perinde atque si tertianæ febris pleuritis superueniret. Quod certe non febris, sed eorū quę aliunde comitantur symptomatum gratia conceditur. In plethora, si non iuuat, non tamen lesura est magnopere venę sectio. Ita igitur de sanguinis missione in tertiana febre statuendum. Si purgatione impuritas aut etiam noxiæ bilis portio iam multa detracta ex purioribus vrinis percipitur, & æger leuatus quodammodo est, sequēsq; accessio tum breuior tum mitior, & eius symptomata faciliora existunt, totius morbi breuitas speranda est. Reliquo igitur eius tempore ac progressu apozematis aut syrupis leuiter refrigerantibus & aperientibus obstructions blande expedientur, & naturæ opus dirigitur, ne quid obstat: vt apozemate è cichorio, endiuia, oxalide, gramine, agrimonio lichene, & ex seminibus frigidis tū maioribus tū minoribus:

bus: syrupo quoque adianthi no & è cicho-  
rio simplici, quibus & interdum acetosi  
simplicis portio adiecta sit. Sæpe enim ter-  
tiana mitior, cuius pauca est putris materia,  
vna leui purgatione tollitur: sæpe etiam fer-  
uidioribus papulis circū labra naresq; obo-  
tis sponte soluitur: quamquam & hæ inter  
dū solius feruoris sunt indices, & cum his fe-  
bris persistit. Iam vero si tā acris est febris;  
tantaq; noxię materię uis, ut data purgatio  
nō quod sperabatur contulerit, nec breuior  
mitiorue sequens fuerit accessio, quod de-  
fuit, indito clystere supplendum: & eo al-  
uius, quoties pigrior fuerit, sollicitanda, ut  
natura ad eam aliquando futurā alui excre-  
tionem proritetur. Hac enim via libera &  
expedita, tutior fuerit morbi exitus. Ac tū  
temporis in ipsa febris intermissione apoze-  
mata & syrupi offerendi sunt, quibus tū in-  
cidendi tū detergendi maior vis insit: cuius  
modi sunt quę, præter cōmemorata, api;  
quoq; petroselini & sceniculi radicē in ace-  
to maceratā, & hysopi nonnihil continent:  
syrupus etiā bizantinus & endiuie, & nōni-  
hil acetosi cōpositi. His igitur recludendæ  
sunt viæ, attenuādīq; humores, etiā biliosi.  
quum

quum non facilis eorum est aut in ventricu-  
lum aut in aluum excursio. Si bilis vel spō-  
te vel istorum ope concitata, iam frequen-  
tius aut vomitione aut deiectione prorumpat, tutus ac brevis morbi exitus erit. At si  
eius dumtaxat quædam veluti stimulatio  
appareat, vomitio quædam præcipue acces-  
sionis initio, vel hydrelæo vel oxymelite,  
alui autem deiectio acriori clystere in inter-  
missione procurabitur. Eadem quoq; ope-  
ra tum vrinæ tum sudores libere & copiose  
cientur: tametsi ad bilis euacuationem mi-  
nus aptæ sint ac vtilis. Hæc in vehementi  
& exquisita tertiana, ad quartam fere acces-  
sionem molienda sunt. Ab hac vero si, ut  
plerumque fit, vrinæ minus crassæ & citri-  
næ purioresq; iam euadent, & hypostaseos  
quoddam signum apparebit, expurgati ma-  
gna ex parte fomitis indicium est. Quod  
si præterea sequens circuitus breuior atq;  
tranquillior inclinantis totius morbi initiū  
portendat, quod reliquum est morbi, iam  
dominanti naturæ committi potest, præfer-  
tim si reliquam vacuationem æger auersa-  
tur ac metuit, multo autem magis si quæ  
spontaneæ vacuationes satis procedant, &  
nihil

nihil supra exquisitæ tertianæ conditionē obtigerit: Tametsi & in iis quoque moderata purgatio conducatur morbumq; tuto soluat. In ijs saltem tum temporis natura ad spontaneam curationem apozematis atq; syrupis, vt dixi, dirigenda. At vero si quinta accessio sextæue vehementior sit, aut symptoma quoddam acrius inualescat, aut urinæ nondum satis puræ existant, metusque sit, ne proprios limites febris transcendat, non utilis modo sed necessaria ante accessionem septimam purgatio ex rheobarbaro & cassia, vel ex rheobarbaro macerato, vel ex rheo & ex senna, vel ex catholico: cuius beneficio præparati humoris pars maxima euellatur, naturaque accessione proxima ad perfectam iudicationem incitetur, & nihil aut minimum morbi reliquum fiat. Quinctiâ si febre soluta symptomata quædam diutius persistunt, vt cibi fastidium, sitis, capitis dolor, & cetera: nec facile æger conualescat à morbo, ne quod ex morbo derelictum est recidivam faciat, purgatio quoque necessaria: sic enim tutior ac firmior sanitas existet. Ea igitur medendi ratione, tertianæ exquisitæ ardor pariter cū causa tollitur. Si  
qua



qua tamen per curationem peculiari refrigeratione febris ardor indigeat, salubriter per ea fiet, quæ refrigerando pariter attenuant: nec putridum humorem impingunt, nec diffilari prohibeat, nec vasorum meatus coarctant. dum enim febrem restingunt, eius pariter causam dissipant, quod in putrida febre vehementer optandum. Immo etiam si ardentior febris æstus, vires nimium prostermit & ægre tolerari potest, causæ observatione aliquantum prætermissa, refrigeratione multa (etiam quæ putredinis dissolutionem cohibeat) utitur, viresque idoneo cibo, ne concidant, foueto, ne tormentoris calumniam subeas: deinde remisso feruore ad causam reuersus noxium humorem exime, ac cibum in reliquam curationem subtrahe. Nō pauci iuuenes atque robusti in tertianæ simplicis & exquisitæ accessione, trium horarum spatio, ab ijs qui causam solam intuerentur, vestibis multis extincti & siti sudoribusque exhausti fuere.

*Summa refrigerandi nutriendique ratio in febris.*

C A P. X I I.

**A** M P L O & quammaximo conclauis cubare debet, qui acuta febre iactatur, quo

quo multum purumq; aërem ducere possit: eumque refrigeratum, abacta omni turba & hominum frequētia, sparsa quoquo-uersum aqua gelida & aceto, stratis herbis frigidis, ut salicis folijs, vitis, lactuce, nymphæe, rosarū & violarum. Odoribus quoq; e rosis, violis, nymphæa & santalis, aqua rosarū stillatitia & aceto & camphorę mome-  
to conspersis. Tū temporis non multis, sed admodū leuibus vestibis tegendū corpus est, ne uniuerse refrigescat. At nihilominus si ardore nimio id torretur, in ipso vigore æstuentes partes hydrelæo perfundētur, cuius oleū & aqua manu permisceātur, donec albescant. Huic & aceti sextans interdum adijci potest, & uice simplicis olei, rosatū, violatum, nymphatum aut papauerinum substitui. Id autē iocineri, renibus æstuātiq; capiti induci tuto potest, siquidē nulla tussis, nulla capitis grauitas nullaq; destillatio molesta sit, nec cataphora profundiorue somnus obrepat. epithema ijsdem quoque partibus atque cordi vtiliter accommodatur, ex liquore stillaticio, rosarū, violarum, plantaginis, solani, nymphæe & aceti sextante: in quibus santali & camphora aut pastilli

albi rasis soluti sint. Ex ijsdem quoque trapſylii vel cydoniorū mucilago eximie opitulatur. Obſeruandum autem, ne hæc inſtante ſudore, corpori inſideant, illiuſq; eruptionem cohibeant, breuemque morbum producant: quamquam longitudo interdum optabilior eſt acrimonia. Intetiora uerò corporis ſi æſtu atque ſiti vruntur, leniēda ſunt ſucco vel aqua cucurbitæ, aut melonū, aut cucumeris, aut eſu oxalidis, portulacę, lactucę ex aceto, quę aut crudę ſint aut aqua feruente cōtabuerint. Aut ſi forte corroboratio quædam adſtriptione petitur, ſucco mali punici acidi, aut limonis aut citrii, aut ceraſii, oxyacanthę, aut oxalidis, aut uuę acerbę, eoq; uel puro uel aqua diluto: hōrum enim quam ſyruporum maior refrigeratio. Hęc ipſa alimenta quoq; ſunt, in quorum moderato uſu olim ueteres tenuiſſimum victum collocauerunt, quemadmodum & longe tenuiſſimum in cibi potuſque abſtinentia. Ab hoc ſenſim ad tenuem & ad plenum, qui ſanorum & integre eſt ualentium, peruenerunt. Omnis febricitantium victus humidus frigiduſque habendus eſt ex materia leui. Pri-  
mus

mus autem cibus est aqua hordei simplex, quę refrigerādo humectandoq; leuiter abstergit, deinde aqua mulsa quę melle temperata minus refrigerat, sed magis abstergit & aperit: vel aqua saccharo condita, quę minus quam mulsa viscera calefacit: sed minus quoq; abstergit. ab his hordei cremor, refrigerans & humectans, abstergens, leniens, sitim compescens, nusquam ductuū vijs adhærescens. Hęc sequitur sorbitio ē pulli gallinacei uel columbini iusculo, in quo frigidiora olera, lactuca, oxalis portulaca, buglossum & uua acerba incoxerint. Medię uerò materię sunt ea ipsa olera, deinde hordeum integrum saccharo conspersum: ab his panis medulla elota & ex aqua cocta: sequitur quę ex pullorū iusculo coquitur: hinc pisces saxatiles, deinde oua tremula sine testa in feruentem aquam coniecta: carnis deinde aqua liquidior vaporario elicitā, modo simplex, modo rosarum, buglossi aut uiolarum saccharo temperata. Valentioris iam materię sunt pulli gallinacei & columbini & gallinarū caporumq; extrema, deinde ius eorū feruore consumptum, & quod iam quasi in gelu concreuit:

ipsa quoq; eorum caro & hoedina & vitulina, ea quidem elixa, & dum editur succo quodam refrigerante intincta, ut carnis saporem quodammodo sopiat, quod & amygdalę tunse iusculis quoque præstant. Quæcunque iam crassiusculæ sunt materiæ, ut ea ipsa assa, & perdices, auiculæ montanę, lepusculi assi, & assorum quorumuis expressus succus, aut qui elicitur è carne in diplomate sine aqua elixa : quòd nimium alant ægre coquantur, æstumque in præcordijs excitent, non in acriter febricitantium, sed in sanorum cibis numerantur. Si quid tamen horum vehementer expetitur, id ex succo aut condimento refrigerante in laborantis gratiam concedi potest. Potus esto vel aqua feruefacta & refrigerata, vel aqua hordei simplex, vel aqua cum sacchari sextante feruefacta, vel quivis potus ex his quos connumeravi refrigerantibus: & aqua quoque frigida vini albi tenuis sextante conspersa. sic enim magis refrigerare & citra viscerum offensionem, quoquoversum expeditius digeri distribuique putatur. frigida vero quæ pura sit ac simplex minime cibis permiscenda. At vero quū summus ardor

ingc-

ingenſque ſitis, ſummam quoque refrigerationem poſtulat, ſine qua metuitur, ne nimium vexatus æger exareſcat, marceſcat, aut forte exhauſto ſpiritu, brevi exoluatur. præſtanda quidem eſt frigida, qua nihil ad infringendum calorem valentius. Sed & ipſa quoque ſynochi, cauſi aliarumque continuarum ardentium peculiare remedium exiſtit, quum illas vel extinguerere vel infringere, vel in aliud temperatum genus commutare conſilium eſt. Id tamen non ſine eorum quæ ſequuntur obſervatione tentandū. Noxia morbi materia ex urinis iam concocta appareat, quod non ante diem morbi quartum contingere ſolet: laborans bono ſit habitu carnoſoq; corpore, integris viribus, inſito calore exuberans, potui frigide dum bene valeret citra læſionem vllam aſſueſtus: ei quoque pectus & viſcera firma ſint & valida ſine dolore, ſine obſtructione magna, ſine tumore vel abſceſſu: nec alui deiection nimia nec cruditas vlla fatiget. hæc igitur cū adſunt magna ſiti antecedēte, frigida aqua copioſe ad duas circiter heminas & vltra ſatietatem epota, dum venter præcordiaque diſtendantur, ſatisq; refrige-



rata sint, & horrore quasi inalgescāt, summū febris ardorem tuto extinguit. Protinus autem multis stragulis operiendus est qui bibet, moxque cogendus vt vomat, aut aluū copiose deijciat, aut ingentem sudorem effundat. Cohibita enim aut subsistens tanta frigida moles, summo vitæ discrimine natium calorem cum febrili pariter extinguit, aut saltem partium nutrientium functionem tollit, spirandi difficultatem, tremorem atque conuulsionem, deglutiendi meiendiq; difficultatem infert. Ipsas insuper ductuum vias coarctans, morbi que materiam compingens, morbū multo diuturniorem facit. In eadem atque etiam in grauiora incōmoda eos præcipitat, qui contra affecti fuerint, extenuati, exangues, imbecilli, pauci caloris, non assueti eius potui, visceribus dolentibus, tumentibus, obstructis aut vlceratis, maxime autem si adhuc crudus est morbus. Vnde constat, febribus intermittentibus, quarum scilicet peccans, materia in primis est visceribus, liberaliorē frigida potionem aduersissimam esse: neq; semper continuam etiam quæ ardens fuerit tuto extinguere, & sub tanta refrigeratione

omnino

omnino ancipitem esse febris curationem. Talis igitur per febres esto cibi potusque qualitas. Quantitas vero vtendique ratio nō parum difficilis summa quippe contro- uersa certatur, quantum & quando cibus in acutis morbis offerendus. Antiqui, præser- timque Asclepiades, primis totius morbi diebus non modo à cibo verum etiā à potu abstinendum putabant, ut ne os quidē elui- ficerent: Ita quidem superantem materiam minui digeriq; rati, si nulla noua accederet. Eam Hippo. sententiam esse censuerunt, quia inquit, vbi morbus peracutus est, sta- tim & labores summi fatigant, & tenuis- simo victu (quæ pura est abstinencia) uti necesse est. Quū vero ægrum triduo per omnia fatigassent, quarto die cibo destina- bant, interdum etiam quinto aut sexto, sed quartus in plerisque ad initium cibi aptis- simus habebatur. dein vero altero quoque die alebant: ac vltioribus diebus summo vigore contra Hippo. doctrinam vberius, dū morbus prorsum decederet. Postea ve- ro eorū emuli cum ægris mitius agere cœ- perunt, pauloque maturius alere. Sed hæc fuit eorū olim doctrina, qui purgatiā aliq;

medicamenta ex arte sustulerunt, omnem prorsus curationem vno victu moliti. Quoniam vero qui prorsus computruit humor, inedia absumi non potest, sed, quod totus præter naturam sit, medicamento exigendus est, necessario quidē non ex victu tantum opportuno, sed ex medicamentis quoque instituenda est morborum putridorum curatio. Et eius materie quæ lædit, pars crudior concoctione per inediam victumque tenuem, pars corruptior purgatione exterminanda. Itaque cum ex interiorum causarū obseruatione nunc tutior quam olim expeditiorque morborum curatio ex medicamentis constituta stabilitaque sit, non tam exquisitè tenuis victus imperandus, neque omnino vires abstinentia infringendæ sunt, sed tenui cibo sustinendæ, ut facile necessariam medicationem ferant. Vix vllō die æger abstinere recte potest. Si per initia ventriculi precordiorumque dolor, aut tensio, aut nausea, aut cibi fastidium aut uomitio nimium affligit, tum medicamento tum parciore victu demēda est materia, præsertim si, retroactis diebus, laborans gulæ liberalius indulserit.

Deinde

Deinde vero, ea imminuta quā iam puriora erunt præcordia, ex morbi magnitudine, acrimonia & motu æstimandum, quousque producendus is sit, aut quando summū vigorem habiturus. Si peracutus existit, & ex eorum numero qui statim dum incipiunt florescunt ac vigent, statim quoque tenuissimo victu utendum. Si paulo mitior atque etiam diuturnior, in diem septimum excurrat, simpliciter tenui: sin vero in decimum quartum diem producendus videatur, paulo pleniore. Perpetuo autem cibus initio plenior sit, sensimque minuatur, dum ad summum vigorem morbus pertingat, in quodari tenuissimū præcipit Hippo. Sic igitur temperandus is est, ut in summo vigore, summe quoque tenuis sit, in incremento tenuis, initio aliquantum plenior, quo tamen corpus vires non acquirat, sed dumtaxat paulo infirmiores cōfirmet, ut aduenturi mali spatium sustinere, & in eo morbi concoctionē moliri, & eas quæ tum arte tum sponte fiunt vacuationes tolerare possit: & ne antequam summum vigorem deficiat atque hebetescat: & tum temporis nutrire & naturam ad cibi concoctionem reuocare cogamur,

cum maxime in morbi concoctionem pugnamque incumbet. Hæc vt declines inconmoda, in paulo pleniorē potius quā in tenuiorē victum deuerges, quandoquidem, vt est apud Hippo. victus nimis tenuis & exquisitus paulo pleniorē periculosior est: & error ex tenui quam ex pleno grauior, quem & egroti difficilior ferunt. Et hæc quidem acutis morbis omnibus communia sunt. Quibus autem horis & quoties conueniat, videndum. In morbis qui ex interuallis exasperantur atque fatigant, obseruanda hæc tempora sunt, instans accessio, initium, incrementum, status seu vigor, decessio, remissio, aut etiam intermissio, si perfecta integritas est insecuta. Integerrimo corpori cibus offerendus, minus enim corrumpitur qui in vas syncerum demittitur. Itaque si tempus intermissionis in intermittente, aut etiam remissionis in continua febre longius est, eius initio, quum iam maxime omnia tranquilla sunt, & arteriæ conquieuerunt, dare cibum expedit, rursumque secundo, si longum est interuallum. At quum quietis breue tēpus erit, & mature timetur altera accessio,

sio, inhærente adhuc febre, & eius reliquiis manentibus, cibus etiam tuto dari potest: præstat enim decedente febre, quã instante, ægrum cibo destinari. Eadẽ ratione si vaga febris est & incertum eius recursuræ tempus, ne inopinato eum excipiat, quando- cunque quis ex accessione leuatus appare- bit, etiam si nõdum ex toto integer sit, ci- bum sumat, & cibus semper ab accessione proxima quãmaxime reducatur. Atq; etiã si bis eodẽ die aut accessiones complures hominẽ adoriuntur, post grauiorem præci- pue alendum. Ceterum in accessione iubet Hippo. prorsus abstinere, & totius eius tẽ- pus sine cibo præterire. At nihilominus si quis propter virium imbecillitatẽ deficit, nullo accessions tempore nõ est sustinen- dus: idque aut prunis cerasijsue coctis aut conditis saccharo, aut hordei cremore, aut etiam pauco concreto carniũ iure: quæ refrigerata sitim pariter extinguit. Hæc ta- men minore periculo dabuntur instante quam incipiente febre, & increscente quã summe vigente. In ea porro febre quæ con- tinua est, & remissionẽ nullam habet, neq; leuior vnquam fit, antelucanis horis quibus



omnes fere in somnum propensi sunt, aut matutino tempore, quod natura sua leuissimum est, plenior dandus est cibus, quam meridiano aut vespertino, quo fere asperior morbus est: verumtamen in homotomno febre aptæ cibo sunt horæ, quibus & integra valetudine quis ali consuevit. In quacunque nihilominus continua febre vis corpori deesse videtur, & arteriæ præ exilitate concidunt, & laborans exolui se metuit, cum cibo fouere viresque recreare licet.

*Symptomatum quæ per febres affligunt remedia.*

C A P. X I I I.

**R**IGOR cōtinuæ febris superueniens quod eam plerumq; soluat, in malis non est, nec ulla ratione cohibendus, si cum præsertim sudor excipiat. frigus autem horror aut rigor intermittentium inuasionibus, si vehementius fatiget, corpusue concutiat, leniri tuto potest. Primum autem sub expectatione accessionis mature vestibus multis operiendus est æger, & omni potione prohibendus: sum-

mis

mis partibus & ijs quæ plurimum inalge-  
scunt, adhibenda fomenta calida atque sic-  
ca, ut lapides candentes, aut titiones ex-  
tincti: simul quoque obuolutus laborans  
spiritum diu continere debet. Si nihilo  
minus horror rigorue prorumpat, inter ve-  
stimenta extreme partes perfricandę sunt  
oleo chamæmelino calfacto, vel liliaceo,  
vel anethino, vel rutaceo, vel vnguento  
quod ex his & ex piperis, cardamomi, py-  
rethriue momento conficitur. Si vnctio-  
num grauis est vsus, ea ipsa in aqua vitæ  
maceranda sunt, qua dein expressa rigen-  
tes partes perfundentur. Nonnulli vehe-  
mentis rigoris initio cum qui conflictat-  
ur in balneum deducunt, in quo etiam ca-  
lidiores herbæ incoxerint. At certe ne  
quid in eo peccetur, neue calor acrius in-  
ualescat, commodissimum sit ventriculum  
atque præcordia fouere feruesfacto iure ca-  
lidarum stirpium, vt mentæ, absinthij, sal-  
uiæ, rutæ, origani, chamæmeli & ane-  
thi, cum anisi & fœniculi semine, cui et-  
iam vini albi paulum sit adiectum: concal-  
facta enim febris origine, horror sæpe di-  
scutitur: simulque melior fit præcordiorum  
status

status. Quum quis ex horrore iam incallescere coepit, si ( ut fere fit ) nauseabundus est, data aqua tepida, interdum subsalsa, vomere cogendus est, uel mulla data, uel hydrelæo, uel, si tenacior humor est, syrupo acetoso aut oxymelite tum simplici tum scilicito aqua hordei tepida diluto. Quinetiã qui sponte euomuit, horũ ope iterum uomere cogendus est, ut proritans intus materia radicitus extirpetur, quæ si multa tenaciorque existit, uehementiora etiam suo loco tradenda postulat. Nam ut circumspicte Celsus ante nos animaduertit, fere talis horror ab his oritur, quæ biliosa in stomacho resederunt. Si per hæc uomitio proritari nequit, piper tritũ drachmę unius pōdere ex aqua calida ante accessionẽ potũ, horrore inhiabit: sed efficacius pilulę quę habēt radicis aristolochię rotũdę scrupulos duos myrrhæ selectæ, piperis añ scrupulũ mediũ ex absinthii uel mentę syrupo cōcinna-  
te. Sepe etiam per quartanã maxime omnia tum externa tum interiora corporis usque adeo perfrigerata sunt, ut in ipso horrore aut uinum generosum, meracum & calefactum, aut aromatites, aut aqua uitæ, aut calidiora

diora quædā offerre cogamur. Sitis quā solius linguæ & faucium ariditas parit, oris colutione ex aqua hordei tepida, uel ex aqua stillaticia plantaginis compescitur, uel ex ea in qua incoxerint pruna dulcia, zizypha, myxa, aut cydoniorum, cucurbitæ uel lactuce semen, aut glycyrrhiza, aut quæcunq; citra astrictionem & calorem blande leniunt atq; humectant: ea ipsa ore etiam diutius contenta, lentore suo linguam, os & fauces siccessere non sinunt. Si dulcia non arideat, fallenda sitis est acinis mali punici, uel citrii aurantiue lamis aqua rosata & saccharo maceratis, uel oxalide mansa. Scabrities uerò atq; etiam linguæ orisue lentor detergendus primum est penicillo ex melle rosato: quod si non satis respondeat, penicillus aqua rosata intingendus est, in cuius vncia, aluminis drachma vna & sacchari candi semuncia soluta sit. At si ex arefacto aut æstuante uentriculo & præcordiis sitis uehementer excruciat, neque his quæ nunc dixi falli potest, potus permittendus est, sed quàm tardissime ut hūc sudor promptius excipiat. Maturior, accessionē producit, sitimq; nouam mox exasperat. Conueniet

niet autem potus ex diluto iure lactuæ, portulacæ, plantaginis, & eorum lenientium quæ dixi, ex syrupo violato zizyphorum aut nymphææ & aqua sextupla. Aut si putrescens stomachi humor sitis occasio fuerit, è succo oxalidis, vuæ acerbæ, cerasiorû, mali punici uel citrij aut è syrupis qui ab his comparari solent, pari aquæ modo dilutis. Quum ceruicis aliarumue partium maior sudorem instare pollicetur, vinum album tenue quadrupla aut sextupla aqua dilutum hunc liberalius ciet. Potus autem omnis moderatus esto, ne præcordia diuellat, & frigidiusculus, ne crudiores aluum liquidioresq; reddat. Capitis ex febre dolorem sedat rosa, viola, nymphæa, lactuca, plantago, semperuiuum, & alia quælibet herba ex refrigerantibus, tunsa & ex aceto fronti temporibusque inducta: & quæ ab his extant tum olea tum vnguenta, cuiusmodi est quod populeum appellant. Si vigilie aut delirium molestius exercet, his adijci poterunt hyoscyami, papaueris & mandragoræ folia vel semen, quæ & ipsa odoratu quoque non parum iuuant. ex his lotiones, vnctiones, cataplasmata non  
fronti

fronti modo & temporibus, sed syncipiti quoque tuto admouentur, si neque capitis grauitas, neque destillatio neque tussis dehortatur. Si nimia metuitur refrigeratio, permisceantur his serpillum, anethum & ruta, quibus etiam ad vigilias & deliria nō parua vis est. Si extremum malum est, in quouis oleo solui potest opium, vt in singulis vncijs huius bini sint scrupuli, eoque frons tempora & ipsæ nares oblinantur. Sed & interdum drachmam vnam philonij romani, aut scrup. duos, pilularum è cynoglossō vorare extrema necessitas expostulat. His etiam præsidij succurritur, cum febricitans, aut quouis acuto morbo decumbens, citra manifestam occasionem, huc illuc immodica iactatione sese deuoluit. Aut si forte iactationis causa fuerit capitis, præcordiorum, aut lumborum æstus, his refrigerantibus, quæ in hæc supra retuli, demulcendus erit. Spirandi difficultas quæ fere ob febris estū uehementer premit ac pene suffocat, iidem quoque tollitur remedijs, & cordis epithemate, quod inter refrigerantia retuli, & potu frigido quo minime prohibendus est æger, si tum



maxime exigit. Animi defectio aut etiam  
syncope quum per febres ardentes ex bile  
in os uentris effusa proficisci soleat, nō me-  
lius arceri abigiue potest, quā succo mali  
punici aut citrij aut uuæ acerbæ sumpto ;  
aut pane vorato ijsdem intincto. Spongia  
quoque mistis inter se aqua rosacea & ace-  
to imbuta, quæ uentriculi ori tepida impo-  
netur. Sudor optimus tenuis tepidus cali-  
dusue minime foetidus facile ac citra labo-  
rem uniuersim è toto corpore dimanans,  
qui sitim ardoremq; compescit & intermit-  
tentis febris accessionem integre finit, aut  
continuae acrimoniæ remittit, qualis fere  
est qui decretorio die superuenerit. Is, quo-  
ad uires permittunt tolerandus, atq; etiam  
si parcius erumpit proliciendus est. Si uero,  
immoderato corpus iam difluit & exolui-  
tur, coerceri debet tum aëris tum corporis  
refrigeratione. Interdū perfusione ex oxy-  
crato aut omphacio, aut ex aqua in qua in-  
coctæ sint rosæ, cytini, balauſtia, malicoriū,  
myrti salicisque folia, gallæ & cupressi glan-  
des. Interdū vnctione ex oleo rosato, myr-  
tino, mastichino aut melino : In quibus si  
necessitas postulat succinū tritū aut gum-  
mi

mi aut cerę exiguum solutum fit, ut emplastica vi cutis spiracula tenacius inferciat. At uerò sudor crassus, glutinosus frigidus ac foetidus ægre nec è corpore toto prorūpens initio quidem non omnino malus, sepe enim qui eiusmodi primus vel è capite vel ex alia parte manat, postea melior ex uniuerso corpore euadit. Talis autem diu ac multū perseuerans omnino malus, nā cū uiriū robore, impuritatem summam & morbi longitudinem, cum imbecillitate extinctionem fore denunciat. Sudorem malum nunquā pronoces: sepe cohibeas, ac tū præcipue purgando corpori sustinendisq; viribus operā nauato. Si qua alia symptomata præter febris conditionē obrepunt ut lienteria ex frigidiore & immodico potu, ut tussis ex refrigerato pectore, ut ex nudato capite destillatio, propriis ea tollātūr remediis, sed quæ tamē aut nihil aut minimū curadę feбри obfint, & hāc quoad fieri pōt leniāt.

F I N I S.



# I N D E X.

Primus numerus paginam, secundus lineam indicat.

**A** Bcessus vnus febrem nequit excutere. 51. 24

Acuti morbi quorū incerta est predictio 62. 26

Aeger quando & quomodo in accessione  
sustinendus. 87. 13

Aegris inuiscendis quę primum inuestiganda. 8. 20

Aestuantēs partes hydrelæo perfundendę. 77. 11

Alui spontanea deiectio perfecta crisis. 52. 8

Animi defectio supra horas 24. citra exitiū. 62. 14

Animi defectionem & synocopi leuantia. 94. 1

Antiqui prius diebus à cibo abstinēbant. 83. 6

A potu frigide in febribus quid agendum. 82. 2

Apozemata refrigerantia & aperientia. 72. 19

Apozemata & syrūpi detergentia & inci-  
dētia. 73. 17

## B

**B** Alneum ephemeris febribus quando  
confert. 37. 5

Bilis acrior febris tertianę exquisitę materia. 71. 3

Bilis flauæ domicilium. 16. 23

Bilis non substantiæ sanguinis, sed vni se-  
ro permiscetur. 71. 12

Bilis vomitione aut defectione prorum-  
pens. 74. 2

## C

**C** Acochymię recentis emendatio. 20. 10

Cacochymię sedes præcipua. 16. 4

Cacochymię vacuandę ratio. 24. 18

## G

Cacochymia vetustioris subtractio.	20. 14
Cacochymia vnde.	15. 15
Capitis dolorem sedantia.	22. 15
Capitis dolor in ephemera quomodo leniendus.	37. 21
Capitis & præcordiorum æstus demulcendus.	23. 18
Causa morborum non prætermittenda.	11. 6
Causa prætermissa symptomatis aliquando occurrendum.	76. 8
Cibus quando offerendus.	86. 17
Concoctio interrupta infida.	65. 8
Concoctio permanens ceteræ salutis nuntia.	65. 8
Crisis articularum doloribus non perficitur.	61. 10
Crisis quando sperari potest.	59. 10
Crisis vehementi perturbatione.	57. 25
Crisim perfectam sepe natura præmonstrat.	59. 8
Crisim perfectam indicantia.	54. 15
Crisi vehementi, periculum non deest.	58. 2

## E

Ephema.	77. 22
Exitia. signa raro primis diebus existunt.	64. 19

## F

Febres leuiter exitiales ars salutes reddit.	58. 16
Febris à cruditate indomita.	45. 3
Febris anceps.	65. 26. 44. 7
Febris acutior septimo die soluenda.	56. 8
Febris conditionem mutant impuritatis symptomata.	13. 16
Febris continua simplex.	30. 6. 12. 3

# I N D E X

Febris continua quæ paulatim concoctio- ne soluitur.	59. 17
Febris continua crîsim non habitura.	58. 23
Febris continua quæ certam habet inuasio- nis horam.	53. 5
Febrîum continuarum decretoria solutio.	49. 20
Febris per commutationem solutio, crîsis est imperfecta.	49. 21. 60. 19
Febris cui ante septimam accessionem pur- gatio est necessaria.	75. 6
Febris cuius formidabilis est exitus.	16. 12
Febris diurnæ indicia.	66. 7
Febris ephemera.	34. 21
Febris ephemera quæ cognitu difficilis & curatu facilis.	35. 15
Febris ephemera curandæ ratio.	35. 23
Febre in ephemera cibus & potus opportu- nus.	36. 8
Febris ephemera à cute constipata curatio.	38. 4
Febris ephemera ex dentium dolore.	39. 3
Febris ephemera in diurnam lentam quandoque degenerat.	39. 16
Febris ephemera ex inanitione.	40. 2
Febris ephemera facile in putridam transit.	41. 10
Febris ephemera purgatione aut venæ se- ctione arcetur.	41. 12
Febris grauior ac periculosior.	53. 20
Febris implicita.	29. 24
Febris languidior.	56. 21
Febris lentæ obscura initia.	30. 17



# I N D E X

Febris magnitudinem, causę antecedentes ostendunt.	31. 15
Febris pestilens.	12. 20
Febre in pestilente simplici vrina qualis.	65. 12
Febris purā & simplex intermittens.	29. 19
Febris putrida metuenda.	40. 10
Febris putrida corruptione accenditur.	43. 4
Februm putridarum curatio.	45. 21
Febris putridę crisis nulla pfecta sudore fit.	51. 9
Febris quę purgationem ante venę sectionem requirit.	13. 25
Febris quę secūdo die vacationē requirit.	33. 14
Febris quę materiā habet ī vasis maioribus.	49. 10
Febris quę sensim paulatimque desinit.	50. 3
Febris quę repente, & contra, soluitur.	53. 11
Febris quę minimo errore redit.	60. 8
Febris quę medicationem requirit.	68. 20
Febres quarum materia turgēt.	61. 18
Febribus quę nō remittūt q̄b <sup>9</sup> horis alēdū.	87. 24
Febris quando nec critice nec solutione, sed commutatione terminatur.	52. 6
Febris quum sine medicamēto solui potest.	68. 17
Febrem repletio frequenter gignit.	40. 15
Febre remissa pręter rationem, confidendū non esse.	54. 26
Febrem rigor quandoque soluit.	88. 17
Febris symptomatica.	30. 23. 50. 19
Febris tertiana exquisita.	46. 26. 47. 18
Febris tertianę exquisitę proxima continens- que causa.	47. 4
	Febris

Febris tertianæ accessio quarta omnium vehementissima.	48. 1
Febre in tertiana sanguis quādo minuēdus.	71. 24
Febris solutio, perfecta crisi, valetudinem restituit.	50. 25
Februm methodica curatio.	28. 11
Febricitantium potus.	80. 16
Febricitantium victus humidus frigidus.	78. 24
Frigida simplex cibis non permiscenda.	80. 24
Frigida calori infringendo valentissima.	80. 26
Frigidę potū quæ inconuenientia sequūtur.	82. 6
Frigidę potio liberalior aduectissima.	82. 21
Frigidam exhibendo quæ obseruanda.	81. 11

## H

<b>H</b> orror in quartana quomodo leniēdus.	90. 22
Horrorem discutientia.	89. 17

Humor corruptus accelerandam curatio- nem indicat.	10. 12
---	--------

Humor impactus morbū puicationē reddit.	10. 4
---	-------

Humor vagus promptę medicamēto cedit.	10. 2
---------------------------------------	-------

Humorum præparatio necessaria.	25. 24
--------------------------------	--------

Humorum vitiositas purgatione tollitur.	27. 2
---	-------

Humorum uitia quæ alias purgatione alias venæ sectione corriguntur.	26. 7
--	-------

## M

<b>M</b> edicamentorum detergentium & at- tenuantium vis.	12. 15
--	--------

Melancholici humoris sedes.	17. 1
-----------------------------	-------

Metus recidiuæ.	51. 3
-----------------	-------

Morbus crudus aliquādo in exitiale transit.	68. 1
---	-------

# I N D E X

Morbus exitialis.	67. 3
Morbus qui sponte soluitur ad salutem.	68. 7
Morbus qui legitimos progressus est habiturus.	11. 16
Morborum simplicium medendi precepta.	27. 13
Morbis in leuibus non eque vacuatio festinanda.	33. 26
Morbis quouis modo in acutis statim initio vacandum.	33. 18
Morbi sanatio perfecta & repentina.	55. 24
Morbi materia mature subtrahenda.	57. 15
Morbi breuitas quando speranda.	72. 13
Morbi reliquarum naturarum committenda.	74. 19
Morborum putridorum curatio.	84. 3

## O

Obstructiones referantia.	69. 14
Ordo nutriendi in febribus.	78. 26
Oris lentore obducti deterfio.	91. 14

## P

Papulae circum labra naresque obortae non semper febre tertianam solunt.	73. 5
Parotis delirium vel cataphoram non febre soluit.	63. 19
Plethora impura, secta vena, tuto soluitur.	19. 8
Plethorae residentia.	15. 9
Plethora quae morbum minatur quando soluenda.	18. 8
Plethorae origo.	14. 15
Pleuritis pura & exquisita.	11. 19
Pleuritis non exquisita.	13. 7
Potus maturior accessionem producit.	97. 25
Preparatio quando non necessaria.	70. 19
Purgatio impuritatis.	25. 16
Purgatio conueniens in febribus.	69. 25
Refri-	

**R**efrigerantia. 78. 7  
Rigorem quę leniunt. 88. 23  
Rhabarbarum sine aperientibus & lenientibus incommodum. 70. 12

S

**S**anguis profluens quam febrem soluit. 51. 16  
Sanguinis missio opportuna. 18. 17  
Sentina totius corporis. 16. 7  
Sitis ex lingue ariditate. 91. 1  
Sitim per febres sedantia. 36. 24  
Somnum conciliantia. 92. 19  
Spirandi difficultatem leuantia. 93. 21  
Sudor optimus. 94. 9  
Sudor malus non prouocandus. 95. 12  
Sudor quomodo & quando arcendus. 94. 17  
Sudor omniū euacuationum postrema. 55. 21  
Sudor crassus foetidus diu perseuerans malus. 95. 3  
Sudorē vinum albū tenue quando excitat. 92. 2  
Substantia viscerum labefactata vix integre sanatur. 24. 2  
Symptomata partem affectam indicant. 32. 4

T

**T**empora obseruanda in morbis qui exasperantur. 86. 11  
Topicorum vsus. 27. 5  
Tumor durus præparationē postulat. 10. 9

V

**V**acuatio a veteribus omiſſa. 24. 25  
Vacuatio plenior in ephemeris raro arte

# I N D E X

tentanda .	37. 10
Vacuatio plenior in tertiana quando expectanda .	41. 22
Vacuatio vniuersalis, febris est iudicatio .	63. 17
Vasorū impuritas venę sectione minuitur .	25. 2
Venę sectio inutilis .	25. 10
Venę sectio inflammationes tollit .	26. 9
Venę sectio tertianę exquisitę incōmoda .	70. 24
Venarum succi varie corrumpuntur .	17. 16
Ventriculi & intestinorū propriū excrementū .	16. 16
Victus ratio & curatio in ephemera à repletionē .	42. 1
Victus ratio in peracutis .	85. 5
Victus tenuissimus veteribus quis .	78. 18
Vires tenui cibo sustinendę .	84. 12
Visceris substantię corruptio vitium grauissimum .	10. 24
Vitiū hereditariū vix arte corrigitur .	11. 1
Vomitio accessions initio .	74. 5
Vomitum cientia .	90. 1
Vomitio intermittentes febres indicat .	52. 16
Vrina in febre tertiana iudiciū affert .	48. 10
Vrinę confusę & crudę incertitudinis prænuntię .	64. 24
Vrinę quales in febribus quę septimo die soluantur .	54. 8
Vrinę puriores .	74. 15
Vrinis non semper fidendum .	65. 23

37.10

41.22

63.17

5. 2

25.10

26. 9

70.24

17.16

16.16

42.1

85 }

78.18

84.12

10.24

11. 1

4. }

00. 1

51.16

48.10

64.24

54. 8

4.15

65.13



